



DS
707
89 v. 8
1789_a
v. 5

山海經廣注卷之六

仁和吳任臣注

海外南經

地之所載六合之間

郭曰四方上下為六合也

四海之內照之以日月

經之以星辰紀之以四時要之以太歲神靈所生其物異

形或夭或壽雖聖人能通其道

郭曰言自非窮理盡性者則不能原極其情變

海外自西南陬至東南陬者

郭曰陬猶隅也音騶

結句國在其西南其為人結句

郭曰臆前朕出如人結喉也任臣索淮南子海外

三十六國自西南至東南方有結句民羽民博物志云結句國有滅蒙鳥江淹遂古篇結句反舌

南山在

其東南自此山來蟲為蛇蛇號為魚

郭曰以蟲為蛇以蛇為魚任臣案楊氏

補注今嶺南呼蛇為訛或為茅鱗圖贊曰賤無定貢貴無常珍不自物自物由人萬事皆然豈伊蛇鱗一曰

南山在結句東南比翼鳥在其東其為鳥青赤

郭曰兩鳥

比翼

任臣案即

一曰在南山東

羽民國在其東南其為人長頭身生羽

郭曰能飛不能遠羽生畫似仙人也

任臣案博物志羽民國民有翼飛不遠多鸞鳥民食其卵去九疑四萬三千里吳林云羽民長頸鳥喙赤目白首

身有羽毛不能遠飛事物紀原云羽民國在海東南崖巖間長頸鳥喙身生羽毛似人而卵生淮南原道訓曰聖三

苗朝羽民注云南方羽國之民金樓子云舜時羽民獻火浣布顧氏說畧曰舜時瑞事尤多羽民等獻黃布火浣之

類楚辭仍羽人于丹邱兮王逸注即羽人國也高叔嗣詩宅並羽人邱孫綽賦仍羽人于丹邱尋不死之福庭江淹

遂古篇跋踵交脛與羽人今圖贊曰鳥喙長頰羽一曰在

生則卵矯翼而翔龍飛不遠人維保屬何狀之反

北翼鳥東南其為人長頰郭曰啓筮曰羽民之有神人二

八連臂為帝司夜於此野郭曰晝隱夜見任臣案淮南

連臂大呼夜行圖贊曰羽民之東有神司夜二八連臂自

相羈駕晝隱宵出詭時淪化楊慎補注云南中蠻方或有

之夜行逢之土人謂在羽民東其為小人小頰赤睂郭曰當

赤盡十六人郭曰疑此後人所增益語耳

畢方鳥在其東青水西其為鳥人面一脚任臣案抱朴子

瓊前跟石脩九首畢方人面即斯鳥也又韓子載師曠曰

黃帝合鬼神于泰山之上駕象車而六蛟龍畢方並轄淮

南子云水出罔象木生畢方意林曰木精畢方火精遊光

廣雅曰土神謂之贛羊木神謂之畢方楊雄蜀都賦獸則

猶穀畢方疑非此劉會孟曰佛國鳥頻伽亦人面羽山之
北有善鳴之禽亦人面鳥喙一足名曰青鸛其聲似鐘磬
笙竽又鵬鳥鴛鳥橐蜚鳥
一曰在二八神東
溪皆人面禽也與此類

謹頭國在其南其為人人面有翼鳥喙方捕魚

郭曰謹堯臣有罪

自投南海而死帝憐之使其子居南海而祠之畫亦似仙
人也任臣案神異經曰驩兜民鳥足仗翼而行食魚不
畏風雨有所觸死乃已博物志曰驩兜國其民盡是仙人
帝堯司徒驩兜民常捕海島中人面鳥口去南國萬六千
里呂氏春秋云縛婁之陽禺驩兜之國多無君國贊曰謹
國鳥喙行則仗羽潛于海濱維食祀和實維嘉穀所謂儒
黍一曰在畢方東或曰謹朱國

厭火國在其國南獸身黑色生火出其口中

郭曰言能吐火畫似獼猴

而黑色也任臣案博物志曰厭火國民光出口中事物
紺珠云厭火民形如猿猴光出口中又云厭火獸似獼猴

黑身口出火卽此也本草集解曰南方有厭火之民食火之獸注云國近黑崑崙人能食火炭食火獸名禍斗也圖贊曰有人獸體厥狀怪譎吐納炎精火隨氣裂推之無奇理有不熱又大秦國俗多奇幻口中出火漢安帝永寧元年復有揮國來朝獻樂及幻人能變化吐火此魚龍曼衍之術非自然者也 一曰在謹朱東

三株樹在厭火北生赤水上其爲樹如栢葉皆爲珠

任臣案三

株通作三珠淮南子云三珠樹在其東北方博物志云三珠樹生赤水之上吳淑事類賦見三珠于赤水植五柞於漢宮圖贊曰三珠所生赤水之際翹葉栢疎美壯若葦濯彩丹波自相霞映陶潛讀山海經詩粲粲三珠樹寄生赤水陰亭亭凌風桂八榦共成林吳筠詩安得崑崙山僊蹇三珠樹褚禪詩誰謂重三珠終焉競入桂張九齡詩側見雙鸞鳥巢在三珠樹李白詩蒼蒼三珠樹王世貞詩赤水三珠樹高士廉集序獲十城之珍奉三珠之樹又唐人號王勣兄弟爲三珠樹皆本此畱青日札云嶺南珠子樹其珠生蚌中蚌生于樹上綴着不解而樹乃生海中石蟹戶鮫人

往往泗水中鑿石得樹蓋亦珊瑚琅玕樹之類比三珠樹
較奇也王崇慶釋義曰皆為珠謂其葉生如珠非真有所
謂珠也 一曰其為樹若彗郭曰如彗星狀

三苗國在赤水東任臣案淮南子海外三十六國有三苗民路史作三饒其為人相

隨郭曰昔堯以天下讓舜三苗之君非之帝殺之有苗之民叛入南海為三苗國任臣案劉會孟云猶陸渾之

族遷于伊州 尚曰陸渾 一曰三毛國

載國在其東郭曰音秩亦音替任臣案國名記云經有巫人載民載民勝姓帝俊後廣韻有載國即

此其為人黃能操弓射蛇郭曰大荒經云此國自然有五穀衣服一曰載國

在三毛東任臣案圖贊曰不蠶不絲不稼不穡百獸率儔羣鳥推翼是號載民自然衣食

貫匈國在其東其為人匈有竅郭曰只于曰四方之民有貫匈者有深目者有長肱

者黃帝之德嘗致之異物志曰穿匈之國去其衣則無自
然者蓋似效此貫匈人也任臣案河圖玉版曰防風之

二臣以刃自貫其心而灰禹哀之乃拔其刃療以不灰之
草是為穿匈民燕金樓子云帝舜九載貫匈民獻珠鰕竹

書黃帝五十九年貫匈民來賓前此已有其國矣墨子蠻
之類八穿匈在其中羸蟲錄云穿匈國在盛海東駱賓王

露布反衡穿匈之域襲官帶以來一曰在載國東
王奇肱僭耳之民奉正朔而請吏

交脛國在其東其為人交脛郭曰言脚脛曲反相交所謂

人交頸而行也任臣案淮南子作交股今名交趾東漢

書男女同川而浴故曰交趾禮三朝記云北發渠搜南撫

交趾范氏桂海虞衡志安南有播流山環數百里皆如鐵

圖不可攀躋中有土國惟一竅可入而常自室之人物詭

怪不與外人通疑此即古交趾地若今之交趾其人百骸

與華無異又李氏筆記云交趾人足趾皆重起又張鏡心

馭交記引經曰交趾其一曰在穿匈東任臣案博物志云

人交脛與本文畧異交趾民在穿匈東

山海經上卷六

沈佺期渡海詩嘗聞交趾郡南與貫匈連

不灰民在其東

任臣案楚辭何所不灰長人何守淮南子海外三十六國有不灰民又云飲氣之民

不灰之野卽此也江淹遂古篇云不灰之國皆何因舍

其爲人黑色壽不灰

郭曰有員邱山

上有不灰樹食之乃壽亦有赤泉飲之不老

任臣案括地圖曰員邱之山上有赤泉飲之不灰博物志云員邱山

有不灰樹食之乃壽景純遊仙詩圖邱有奇草鍾山出靈液洛陽宮殿簿云明光殿前長生樹二株晉華林園長生

樹二株卽不灰樹也又廣西柳州產苴草亦名不灰草周髀算經曰中衡左右冬有不灰之草李石續博物志曰支

國有活人草人灰者將草覆面卽活皆不灰樹類圖贊曰有人爰處員邱之上赤泉駐年神木養命稟此遐齡悠悠

無竟陶潛讀山海經詩自古皆有沒何人得靈長不灰復不老萬歲如平常赤泉給我飲員邱是我糧方與三辰遊

壽考豈

一曰在穿匈國東

源央

岐舌國在其東

郭曰其人舌皆岐或云支舌也任臣案淮南子東南方有反舌民注云語不可知

而自相曉呂覽云反舌殊鄉之國東京賦重舌之人九譯

僉稽首而來王王氏彙苑云反舌之國其人反舌即此也

拾遺記曰因霄之國人舌尖處倒向喉內亦曰兩舌重舌

玄覽云軒渠之西其民四舌而三瞳通考謂之三童國亦

此類又案物理論舌主心苗火旺于巳巳為蛇故蛇岐舌

南方岐舌之民其亦火旺之象與路史天皇順臚而三舌

是中國亦有岐舌者圖贊曰鑠金洪鑪灑成萬

品造物無私各任所稟歸於曲成是見兆朕

一曰在不

妖民東

崑崙墟在其東墟四方

郭曰墟山下基也任臣案劉會孟云在烏思藏山一曰在

岐舌東為墟四方弄與鑿齒戰於壽華之野弄射殺之

任臣

案鴻烈解有鑿齒民即此高誘云鑿齒獸名齒長三尺其狀如鑿下徹頷下弄射殺之博物志曰弄與鑿齒戰於壽

華之野羿持弓鑿齒持矛羿殺之路史云堯殊鑿齒于疇
華之野戮九嬰於凶水之上疇華即壽華也青邱記東方
澤疇華南方澤凶水圖贊曰鑿齒人類實有傑牙猛越九
嬰害過長蛇堯乃命羿斃之壽華金璫琳瑯載昭仁寺碑
云殄暴壽華之澤戮在崑崙墟東羿持弓矢鑿齒持盾
白絕續之野本此也
鑿齒亦人也齒如鋸長五六尺因以名云
任臣案宛委餘編引經云鑿齒作楮誤
臣案一云鑿齒持戈也
一曰戈郭曰夫詳任

三首國在其東其爲人一身三首

任臣案抱朴子曰巢居野處獨目三首南華經

云有人三頭伺琅玕與珥琪子同此類李時珍人貌論人具四肢七竅常理也而荒裔有三首比肩飛頭垂尾之民淮南子云自西南至東南南方爲三頭民圖贊曰雖云一氣呼吸異道觀則俱見食則皆飽物形自周造化非巧又博物志載蒙雙民二頭一曰在鑿齒東四手亦三首之屬也

周饒國在其東其為人短小冠帶

郭曰其人長三尺穴居能為機巧有五穀食也

一曰焦僥國在三首東

郭曰外傳云焦僥民長三尺短之至也詩合神霧曰從中州以東西

四十萬里得焦僥國人長一尺五寸也

任臣案通考云

焦僥人長三尺穴居善游鳥獸懼焉其地草木冬落夏生

竹書紀年堯二十九載焦僥氏貢沒羽帝王世紀舜時焦

僥氏來貢沒羽馬融廣成頌云納焦僥之珍羽謂此也漢

明帝時西南國焦僥來貢獻安帝永初中焦僥種類陸賴

等舉種內附淮南子云焦僥曰炎上林希逸列子注焦僥

之尺五許人之九寸圖贊曰羣籟外吹氣有萬殊大人三

丈焦僥尺餘混之一歸此亦僑如又人之短者廣延國人

長二尺張仲師長一尺二寸鵠國男女長七寸陳章與齊

桓公所言是也鶴民國人長三寸日行千里見竊神秘苑

未多國長四寸李子放長三寸三分黃帝時務光長七寸

西京雜記云東都獻短人五寸或云東鄰送人長七寸名

曰巨靈神異經曰西北荒中有小人長一寸朱衣玄冠較

焦僥更異也又案拾遺記遺池國陀移國人皆長三尺壽

萬歲後漢書朱儒國人長三四尺洞冥記云勸畢國人長三尺有翼或云三寸朝野僉載云雷仇國人長三尺二寸瓊方外紀曰歐羅巴西海有小人國高不二尺跨鹿而行鸛鳥當欲食之馬端臨云大秦有小人國軀纔三尺耕稼之時惟鸛所食大秦每衛助之北域本末記曰北馬行一月為短人國長者不踰三尺北方呼為羊胞頭國然則人長三尺不獨焦僂也又焦僂或作焦僂西陽雜俎云李章武有人腦長三寸餘頭項中骨筋成就是焦僂人

長臂國在其東捕魚水中兩手各操一魚

郭曰舊說云其人手下垂至地

魏黃初中立菟太守王頤討高句麗王宮窮追之過沃沮國其東界臨大海近日之所出問其耆老海東復有人否曰常在海中得一布褐身如中人衣兩袖長三尺即此長臂人衣也任臣案淮南子海外三十六國有脩臂民抱朴子云脩臂交股江淹遂古篇云長臂兩面即此也牛哀埤雅廣要曰長臂國在渤之東其人垂手至地又有長脚

人常負之人海捕魚又博物志載一布衣從海浮出其身如中國人衣兩袖長二丈朱謀埏異林云長臂之國臂長丈餘身如中人圖贊曰雙肱三尺體如中人彼曷為者長臂之民脩脚是負捕魚海濱梁簡文菩提樹須穿胃鑊臆之首短身一曰在焦僊東捕魚海中長臂之師

大山帝堯葬于陽

郭曰呂氏春秋曰堯葬穀林今陽城縣西東阿縣城次鄉中赭陽縣湘亭南皆有堯冢

任臣案

帝正世紀堯葬濟陰成陽西北四十里

是為穀林

墨子云堯葬蚩山之陰山陵考云堯陵在東平

州王充乃云葬崇山郡國志言濟陰郡成陽縣有堯冢皇

覽冢墓記云堯冢在濟陰成陽續述征記云小成陽在陽

城西南半里許俗云因堯城合諸說觀

之要以為小成陽者近是餘皆儀墓爾

帝嚳葬于陰

父號高辛今冢在頓邱縣城南臺陰野中也音酷

案山陵雜紀云嚳葬頓邱宜陽山陵考云帝嚳陵在滑縣

東北七十里廣輿記大名府清豐縣有秋山帝嚳葬此山

之陰圖贊曰聖德廣被物無不懷爰乃殂落封墓表哀異

類猶然况
乃華繁

爰有熊羆文虎

郭曰雕虎也尸子曰中黃伯余
左執大行之獲而右搏雕虎也

乃華表

雜錄

任臣
離朱

郭曰木名也見
子今圖作赤鳥

莊
視肉

郭曰：天地形如升，升方得日也。食之無盡，尋復更生，如故。

太平廣記載蕭靜之掘地得

物如人手腫而食之甚美過一道士曰此肉芝也江鄰幾

雜志云徐禎于廬州河次得一小兒手無指擢而棄之亦

肉芝也。山覬肉若此類。又素白澤圖。物如小兒手無指。

者名封食之多力本草綱目云海牛一種土肉正黑長五

寸大如小兒臂有腹無口目有三十足可炙食文獻通考

云公孫淵時襄平北市生肉各數尺有頭目口緣無手足

而動搖西湖志章表儀撤屋掘土得一勾鬼神上云太歲

也棄之又飛廉地囊形皆視肉類也附記之以黃岡見劉

孟子曰視肉猶南方無負獸有華兔膏云人而不學謂之

視肉學而不行謂之瞶。瞶李斯云。禽鹿視肉人面而蛇食。

行圖贊曰聚肉有眼而無腸胃與故一曰即日所

馬勃類和影翬奇在下盤食入博末門因享日月文士皆

葬其所

郭曰今文王墓在長安鄠聚社中按帝王冢墓皆有定處而山海經往往復見之者蓋以聖人久於

其位仁化廣及恩洽鳥獸至于殂亾四海若喪考妣無思不哀故絕域殊俗之人聞天子崩各有立坐而祭酸哭位起土為冢是以所在有焉亦猶漢氏諸遠郡國皆有天子廟此其遺象也
任臣案今咸陽縣有周文王陵

曰湯山一曰爰有熊羆文虎雌豹離朱鳴久

郭曰鳴久鴈鴈之屬

臣案鴈久即鴈鴈古

視肉虜交

郭曰所未詳也

其范林方三百里

字通見字義總畧

郭曰言林汜濫布衍也

任臣案范汜通

南方祝融獸身人面乘兩龍

郭曰火神也

任臣案太公

祝融治南方僕程佐之楚辭九歎云絕廣都以直指兮歷祝融於朱冥相如大人賦祝融驚而蹕御兮清霧氣而後行楊雄河東賦服元冥及祝融史記正義云南方炎帝之佐獸身人面乘兩龍應火正也圖贊曰祝融火神雲駕龍

山海經廣注

驂氣御朱明正陽是含
作配炎帝位立于南

山海經廣注卷之六終

山海經廣注卷之七

仁和吳任臣注

海外西經

海外自西南陲至西北陲者

滅蒙島在結匈國北爲鳥青赤尾

任臣案張華博物志結匈有滅蒙島

大連山高三百仞在滅蒙島北

任臣案路史注作大連山

大樂之野夏后啓於此儻九代

郭曰九代馬名儻謂盤作之令儻也任臣案楊氏

補注云盤作之謂舉盤起之令馬舞其上杜詩舞馬更登牀唐世猶有此戲又案蕭子範求昭明集表夏后之風載傳樂野樂簡文頌張樂大野夏有慙德
乘兩龍任臣案王

盧裨滄溟賦玩弄乎夏后氏之儻本此

乘兩龍

任臣案王融曲水詩

序夏后兩龍載駟璿臺之上江淹赤虹賦稟傳說之一星
乘夏后之兩龍又遂古篇夏開乘龍何因緣兮又效阮體
詩夏后乘兩龍高會在帝臺李商隱也雲蓋三層郭曰層
九成宮詩雲隨夏后雙龍尾謂此也
手操翳郭曰羽也右手操環郭曰玉空佩玉璜郭曰半璜在大
運山北郭曰盤藏鄭毋經曰夏后啓筮御飛龍登于天吉
翳執環而聲九辨圖贊曰後御飛龍果籙九登擯扑馬乘
代雲融是揮玉璜是佩對揚帝德稟天靈誨一曰大遺之
野郭曰大荒云
大穆之野

三身國在夏后啓北一首而三身

任臣案淮南子自西北至西南方有三身民注

云三身民一頭三身江淹遂古篇丈夫女子至三身兮玄
覽云鑿齒之東其民一首而三身荒史因提紀曰庸成氏
實有季子其性喜淫帝放之於西南季子儀
馬而產子身人而尾蹄馬是為三身之國

臣案河圖括地象曰奇肱氏能為飛車從風遠行博物志云奇肱氏去五門西四萬里善為執扛飛車述異記曰湯時西風吹人車東至豫州界俟十年而風反至使遺歸國冠劍并六威湯十祀遺奇肱氏歸其國沈思承文苑物類云奇肱氏能為飛車乘風而飛禹時曾至黃帝祠額解云僊王奇肱氏其子不來賓吳越墨賦云飛車初駭于奇肱曲蓋皆曰奇肱氏又車賦云然邱則剛全為輶奇肱則從風以飛奇肱之身互人有六首之鳥圖贊曰妙哉工巧奇肱之人曰形天與帝至此爭風搆思制為飛輪凌颺遂輒帝湯是賓形天與帝至此爭神帝斷其首葬之常羊之山乃以乳為目以臍為口操干戚以舞郭曰干盾戚斧也是為無首之民任臣案抱朴子謂無首之體即此也圖贊曰爭神不勝為帝所殘遂厥形天臍口乳目仍揮干戚雖化不服形天或作刑天圖詩云精衛銜微木將以填滄海刑天舞干戚猛志故常在亦作形天段成式諾皋記云形天與帝爭神帝斷其首葬之常羊山乃以乳為目臍為口操干戚而舞焉劉會

岳曰律陀有天眼形天有天口洪客齋曰舊本淵明讀山海經詩刑天無千歲疑上下文義不貫遂取經文參校形天獸名也好啣千戚而舞乃知是形天舞干戚五字皆譌此與臨漢曾紘之說同也而二老堂詩話復云靖節茲題十三篇大槩篇指一事此恐事說精衛填海無千歲之壽而猛志常在在化去不悔若并指形天似不相續其辭甚辨而要以曾洪之解為得之刑凱坦齋通編云天山有神名刑天操干戚而舞不止張氏代醉編曰山海經形天與帝爭神形刑天天四宇當再考善本又吳淑事類賦駭操于之刑大以形天為刑大更誤矣來斯行策云晉史莫窺空詫渡河之三豕山經未諸終迷舞戚之刑天謂此又青藤山人路史曰刑天即渾敦

女蔡女戚在其北居兩水間戚操魚組

郭曰鱣魚屬臣案王會篇甌人

鱣蛇即鱣也物性志云鱣似蛇亦善緣

郭曰肉几

樹食藤花語曰鱣則似蛇鱣聞有翼

祭操俎

郭曰肉几任臣案

圖贊曰彼姝者子誰氏二女曷為水

鴛鳥鵲鳥

郭曰次其

間操魚持俎厥儷安在離羣逸處

色青黃所經國

郭曰此應禍之鳥即今梟鵩之類任臣案圖贊曰有鳥青黃號曰鵩鵩與

妖會令所集會至類則梟鵩狀難辨

在女祭北鵩鳥人面居山上

任臣案篇海云

鵩鳥鵩別名今云人面似不類

一曰維鳥青鳥黃鳥所集

丈夫國在維鳥北其為人衣冠帶劍

郭曰殷帝太戊使王孟採藥從西王母至

此絕粒不能進食木實衣木皮終身無妻而生二子從形

中出其父即死是為丈夫民任臣案玄中記云子從背

脇中出王孟一作王英江淹遂古篇丈夫女子徐陵陳公

九錫文北泊丈夫之鄉南踰女子之國陳氏吳問云丈夫

北極女子南方謂此也淮南子自西北至西南方有丈夫

民事物紺珠云丈夫民去玉門關二萬里圖贊曰陰有偏

化陽無產理丈夫之國王孟

是始感靈所通桑石無子

女丑之尸生而十日炙殺之

任臣案冠編云羲和為黃帝日官錫土扶桑扶桑後君生

十子皆以日名號十日而九日爲凶號九嬰分扶桑之國
爲十用兵不止求實無已炙殺女丑同惡相濟故曰叢枝
省在丈夫北以右手郭其面郭曰蔽面任臣案王世貞
女丑蒙顱以相蠱盧柎放招賦魂兮無西女丑之尸蒙面
奇怪指此也圖贊曰十日並煥女丑以斃暴于山阿揮袖
自翳彼美誰十日居上女丑居山之上
于逢天之厲

巫咸國在女丑北右手操青蛇左手操赤蛇在登葆山羣

巫所從上下也郭曰孫藥往來任臣案國名記巫咸國

山計其道里非此也淮南子云巫咸在其北方董道廣川
書跋曰巫咸河在女丑北其神咸靈震耀得在祀典世圖
其象右手操青蛇左手操赤蛇在保登山羣巫所以上下
故安邑有巫咸祠祀之江淹赤虹賦序自非巫咸采藥羣
帝上下者皆歛意焉用此圖贊曰群有十巫巫咸
所統經枝是搜術藝是綜採藥靈山隨時登降

并封在巫咸東其狀如麋前後皆有首黑

郭曰今弩蛇亦此類也

臣案游氏臆見云西區陽有鼈封謂之兩頭鹿朱氏駢雅

曰鼈封有首鼈也鼈封并封屏蓬似是一物胡應麟三墳

補逸曰王會稱陽以鼈封鼈封者若麋前後有首王伯

厚補注云盛以之記武陵郡西有獸如鹿前後有頭常以

一頭食一頭行然不言名鼈封考以山海經所載并封在

巫咸東其狀如麋前後皆有首益斯物也任臣又案後漢

書雲陽有神鹿兩頭能食青草華陽國志云此鹿出雲陽

南郡熊舍山即余義也西陽雜俎云雙頭鹿矢名耶希耶

鹿名也張華博物志云茶荈機出永昌郡首茶茂机是兩

頭鹿名引之所記即此耳圖贊曰龍過無頭并封連載物

狀相乖如驢分背數得自通尋之愈闕又史記

云神功元年安國獻兩首犬亦并封類附記之

女子國在巫咸北兩女子居水周之

郭曰有黃池婦人入浴出即懷妊矣若生

男子三歲輒死則猶繞也離騷曰水周於堂下也

案金樓子云女國有黃池浴之而孕抱朴子云黃池無男

穿胃勞口隋書云女國在慈嶺南職方外紀曰直北方之
西有女國曰亞瑪作懈疑卽此也梁四公記杰公曰今女
國有六北海之東方外之國有女國天女下降爲其君西
南城板楯之西有女國女爲人若以貴男爲夫置男爲妾
媵昆明東南絕徼之外有女國以猿爲夫生男類父而入
山谷晝伏夜遊生女則巢居穴處南海東南有女國舉國
惟以鬼爲夫夫致飲食禽獸以養之勃律山之西有女國
山出台魑之水女子浴之而有孕其女舉國無夫西海西
北有女國以蛇爲夫男則爲蛇不噬人而穴處女則臣妾
官長而居宮室唐書西域傳云東女國一曰蘇伐刺拏瞿
咀羅國皆別種也西海有女國故稱東別之女主號賓就
是西方亦不止一女國也又通考曰扶桑東千里有女國
其人容貌端正身體有毛至二三月競入水則姪娠六七
月產子坤雅廣要曰女人國與奚部小如者部抵界其國
無男每視井卽生蓋東女國也非此圖贊曰簡狄有吞
姜嫄有履女子之國浴於黃水乃娠乃字生男則歿一

曰居一門中

軒轅之國在此窮山之際其不壽者八百歲

郭曰其國在
山南邊也大

荒經曰岷山之南

任臣案博物志西北有軒轅國在窮

山之際其不壽者八百歲

張衡思玄賦云超軒轅于西海

今謂此曰魯曰軒轅之人承天之祐冬不獲衣夏不扇暑

猶氣之和氣為彭祖之恒黃海云天帝賜算聖人有加

焉軒轅之國不壽者八百歲是

在女子國北人面蛇身尾

即以前軒轅為黃帝也亦許是非

在女子國北人面蛇身尾

交首上窮山在其北不敢西射畏軒轅之邱

郭曰言敬畏

不敢向西而射也

任臣案神通紀有軒轅氏或曰居軒

轅之邱以為名疑非是

羅泌曰軒轅所造後人因以名邱

非因邱而為號且其邱在崑崙之下世

在軒轅國北其邱

以為黃帝之所避風雨者非所居也

在軒轅國北其邱

方四蛇相繞

郭曰繚

此諸天之野

郭曰天音妖任臣案

作諸沃又篇海

繚鳥自歌鳳鳥自舞鳳凰卵民食之甘露

引此天音沃

繚鳥自歌鳳鳥自舞鳳凰卵民食之甘露

繚鳥自歌鳳鳥自舞鳳凰卵民食之甘露

繚鳥自歌鳳鳥自舞鳳凰卵民食之甘露

民飲之所欲自從也

郭曰言滋味無所不有所願得自在此謂天野也任臣案博物志軒轅

國鸞白舞民食鳳卵飲甘露述異記云海中有軒轅邱鸞自歌鳳自舞古云天帝樂也昭明太子七召云拾羽鳳巢剖胎豹約李氏演連珠云渚沃之野食鳳卵而弃餘崔融賀甘露表嘗之則甘似降軒轅之國俱本此又吳淑露賦享遐壽于播山注引經云諸沃之山播山之民甘露是飲不壽者八百歲與今本畧異百獸相與羣

居在四蛇北其人兩手操卵食之兩易居前導之

龍魚陵居在其北狀如狸

郭曰或曰龍魚似狸一角任臣案淮南子龍魚在其南即此

張衡思立賦云跨江氏之龍魚景純江賦云龍鯉一角奇鵠九頭又云或虎狀龍顏吳淑魚賦云陵處亦驚于龍鯉劉賡稽瑞錄云具區文蜃陵居角鯉駢志云龍魚陵居皆指此也又成陽靈臺碑有龍魚疑亦斯魚也見洪适漢隸釋又文選注事類賦一曰鰕郭曰音遐任臣案虞荔鼎注引經通作龍鯉錄曰宋文帝得鰕魚遂作鼎

曰鰕魚四足又爾雅鰕大即有神聖乘此以行九野郭曰九域

之野任臣案拾地圖曰龍魚一名鰕魚狀如龍而有神

聖乘此而行九野高誘淮南注鰕魚如鯉魚有神靈者乘

行九野贊曰龍魚一角似狸處陵侯時而山神聖攸乘

飛騰九域乘雲上昇揚橫異魚贊曰龍魚之川在汧之璵

河圖授養實此山野一曰鰕魚在天野北其為魚也如鯉

神行九野如馬行天

白民之國在龍魚北任臣案白民春秋注白民之國在海

白民注云白民白身天寶軍錄云日南庭山連接不知幾

千里裸人所居白民之後也謂其習前作花以為美飾路

史白民進藥歌黃帝祠額解云師白民藥獸而知醫劉鳳

鄰組曰赤頸白民謂此也又大荒東經亦有白民國計其

道里疑為二國又雲南通志云白飯王之

後仁果居白崖為白人之國亦非此也

白身被髮郭曰

人體洞白任臣案湘州錄云白民國人白

如王國中無五穀惟種王食之疑即白民

有乘黃其狀

如狐其背上有角乘之壽二千歲郭曰周書曰白民乘黃似狐背上有兩角即飛

黃也淮南子曰天下有道飛黃伏皂任臣案博物志白

民國有乘黃乘之壽三千歲瑞錄云成王時白民獻乘

黃游氏臆見曰乘黃一名訾黃龍翼馬身黃帝乘之而仙

漢武欲得之郊祀歌曰訾黃何不徠下文選赭白馬賦黃

帝陟位飛黃伏皂輟耕錄云軒轅獲飛黃而獨角高誘淮

南注云飛黃出西方狀如乘背上有角乘之壽三千歲宋

符瑞志舜時地出乘黃之馬李長吉詩暫繫騰黃馬吳正

子注云騰黃神黃也一曰狐黃飛黃或作古黃翠黃狀如

狐背有兩角乘之壽千歲抱朴子云騰黃之馬吉光之獸

皆壽三千歲即斯獸也圖贊曰飛黃奇駿乘之難老揣角

輕騰忽若龍矯實

鑒有德乃集厥阜

肅慎之國在白民北任臣案淮南子海外有樹名曰雄郭

或作常先八代帝於此取之郭曰其俗無衣服中國有聖

雉帝代立者則此木生皮可衣

也任臣案異物彙苑云維常木無皮出肅慎之國聖人在位則木生皮可為衣其國東朝中國成王時一生晉書列傳云肅慎有樹名曰維常若中國有聖帝代立則其木生皮可衣周武王及成王時遣使入貢事物紺珠云維常出肅慎國維常樹其皮可衣顧野王進玉篇啓服衣維常樹其皮可衣受命之興平波海水則越裳知聖人之德騶雅曰維常之皮可衣吉貝之花可績稽瑞錄云房戶潤達肅慎維常國贊曰青質赤尾號曰滅蒙大運之山百仞三重維常之樹無節而通又朱謀瑋具林作維常樹

長股之國在維常北被之如中人而臂長二丈以類推之則此人脚過三丈矣黃帝時至或曰長脚人常負長臂人入海中捕魚也任臣案竹書紀年黃帝五十九年長股氏來賓穆天子傳天子乃封長股於黑水之西河是曰畱骨之邦即長股也淮南子海外三十六國有修股民又汜論訓曰奇肱修股之民是非各異習俗相反江淹遂古篇云長股深目豈君臣今埤雅廣要云長脚人與長臂國相

通 一曰長脚郭曰或曰有喬國今伎家喬人蓋象此身

西方蓐收左耳有蛇乘兩龍郭曰金神也人面虎爪白毛

秋月其神蓐收明義云少皞金天氏其子該為蓐收也左傳金正曰蓐收楚辭遠遊云鳳凰翼其承旂兮遇蓐收乎西皇柳子晉問云出太白微蓐收而爰子云召蓐收以奔屬兮馴威彪迺踐鳥國語號公所夢史囂所對均此神也圖贊曰蓐收金神白毛虎爪珥蛇執鉞專司無道立號西阿恭行天討

山海經廣注卷之七終

金華回無道立翼西國恭賀天禧

國寶曰恭郊金輿白圭象山川日月

國合恩如賦賦如魚國品鮮今視藝史景祖性世出輔

西皇賦元音賦入山太白始卷列自文十八音歌曲

將金江口劉家橋並武江鳳凰隨其水派令墾熟地

大興是國也。其地不小。雖金入刃其下。猶爲卷耳。其

五十六卷

世宗憲皇帝御製金瓶梅詞話

一曰：壯時日與日計，齒園全封塞。商人得榮貴乎。

山海經廣注卷之八

仁和吳任臣注

海外北經

海外自東北陬至西北陬者

無啓之國

郭曰音啓或作縈繼淮南墜形訓海外三十六國西北方有無繼

任臣案一名無啓又名無

民在長股東爲人無啓

郭曰啓肥腸也其人穴居食土無男女死卽埋之其心不朽死百廿

歲乃復更生

任臣案博物志無啓民居穴食土死埋之

其心不朽百年還化爲人酉陽雜俎曰無啓人食土其人

死其心不朽埋之百年化爲人錄民膝不朽埋之百二十

年化爲人細民肝不朽埋之八年化爲人抱朴子云乘雲

璽產之國肝心不朽之民盧栴蟻蠓集云登巫咸歷無啓

劉鳳雛云無啓無骨皆此也圖贊曰萬物相傳非子則

山海經廣注

根無脊因心構肉生魂所以能然尊形者存又三才圖會云三蠻國民食土死者埋之心肺肝皆不朽百年復化為人與無脊國相類

鍾山之神

任臣案十洲記曰北海外有鍾山自生千芝及

種芝草諫計頃畝西陽雜俎云仙藥有鍾山白膠魯女生

列傳曰鍾山之藥其大如銷景純遊仙詩鍾山出靈液注

云北海外山

名曰燭陰

任臣案虛神素字賦前引壽華後

即此山也

蟠燭視為晝冥為夜吹為冬呼為夏不飲不食不息息為

陰

郭曰息氣息也

身長千里在無脊之東其為物人面蛇身赤色

居鍾山下

郭曰淮南子曰龍身一足

任臣案括地圖曰

鍾山之神名曰燭龍視為晝眠為夜吹為冬呼為夏息為風楚辭曰安不到燭龍何照王逸注云天之西北有幽冥無日之國有龍銜燭而照之柳宗元天對曰脩

謂日月也。盧櫛放招賊帙鍾山之幽。鮫兮令照之以燭龍。龍也。賦詩兮。燭照鍾山之野。圖贊曰。天缺西北。龍脚火精氣為寒暑。眼作昏明。身長千里。可謂至神。張憲燭龍行。云蛇身人面。髮如繡。珠光吐照天下。指此也。

一目國在其東一目中其面而居一曰有手足

任臣案淮南子海外

三十六國有一目民抱朴子所謂獨目也。事物紺珠云。西北一目少廣為八紘之地。在八埏外。三才圖會曰。一目國在北海外。其一人一目。當其面而手足皆具。圖贊曰。蒼四不多。此一不少。于野冥瞽洞見無表形。遊逆旅所貴維眇。今亞細亞之西北歐羅巴之東有一目國。見兩儀玄覽圖。

柔利國在一目東為人一手一足反膝曲足居上

郭曰一

反卷曲也。任臣案博物志子利國人一手二足。反曲與此國類。第云二足。疑非此也。淮南子海外三十六國有

柔利民異林云柔利國其人曲膝向前一手一足三才圖會云柔利國國人曲膝一手一足圖贊曰柔利之人曲脚反肘于求之容方此無一云留利之國人是反折

共工之臣曰相柳氏郭曰共工霸九州者九首以食于九山郭曰頭各自食

一山之物言食暴難饜任臣案相柳蛙蜃子三才圖會俱作相柳先是共工姜之異為太昊黑龍氏主水職其工

夢子康曰襲黑龍氏亦曰共工太昊崩女媧立以上相不下女主伯九有而朝同列儲黑帝輔以相柳竊保冀方亦作相錄見張揖廣雅及大荒經圖贊曰共工之臣號曰相柳泉此奇表地身九首恃力外暴終禽夏后又案神九首

者相柳之外九厥九首本夫九首駱實王露布云雄虺九頭蓋謂此也相柳之所抵厥為澤

谿郭曰長觸厥掘也音厥禹殺相柳其血腥不可以樹五穀種禹厥之三仞三沮郭曰掘塞之而土三沮滔言其血膏浸潤壤地任臣案陳一中曰共工夾輔太昊太昊

在位則相抑為陪臣太昊既陟則相抑於其工君臣之分
既定義不可絕嗣主縱無道死所事以報先君人臣之義
也彼各為其主精英未泯死化九首之虺所抵為淵澤水
孽憤戾之氣理不盡無故禹不得不殺一曰禹戮之虺非
與相抑氏杜宇蟊蠹是也工世貞乃以為眾帝之臺郭曰言地
詩相柳食九州膏血滿川坻本此柔利之東相柳者
淵濕唯可積在崑崙之北郭曰此崑崙山在海外者

九首人面蛇身而青不敢北射畏其工之臺臺在其東臺

四方隅有一蛇虎色首衝南方

郭曰衝猶向任臣案楊慎補注云首衝南方者紀

鼎上所鑄之象虎色者蛇斑如虎蓋鼎上之象又以彩色點染別之

深目國在其東為人舉一手一目

郭曰一作曰

在其工臺東

案淮南子自東北至西北方有深目民路史曰北之國盼姓近南地冠編云黃帝五十九歷貫胷長

無耳莫不來賓圖贊曰深目類但絕縮

才

軒轅道降欵塞歸服穿胃長脚同會異族

無腸之國在深目東

郭曰一作南

其為人長而無腸

郭曰為長大腹內

無腸所食之物直通過

任臣案淮南子自東北至西北

方有無腸民路史云無腸蜚頭脈火流鬼圖贊曰無腸之

人脈體維制心實靈府餘則外用得一

自全理無不其埤雅廣要作無腹國

聶耳之國在無腸國東使兩文虎為人兩手聶其耳

郭曰言耳

長行則以手攝持之也聶諸夾反

任臣案牛衷埤雅廣

要云聶耳在無腹東其人虎文兩手聶耳而行耳長及頰

行則手捧之朱謀璋異林云聶耳之國耳垂至腰兩手捧

耳而行圖贊曰聶耳之國海濱是縣驪虎斯使奇物畢見

形有相須手不離面長源羅氏曰四海之下半體聶耳

即此又大耳國人以一耳為席一耳為衾較此更奇也

居海水中

郭曰縣猶邑也

及水所出入奇物

郭曰言盡規有之

兩虎在其東

夸父與日逐走入日

郭曰言及日於將入也逐音曹臣案列子夸父不量力欲追日影逐

之於閭谷之際林注云夸父龍伯之類鴻烈解夸父在其

北方又曰臣雷公役夸父注云夸父神獸也廣輿記云今

涇州有振履堆相傳夸父逐日振履于此歲華紀麗日類

云逐有夸父送有秦皇吳國倫集北山愚公東海夸父續

騷經云攬飛輿以夸父兮徐吾起而為助冠編云句龍生

垂及信信生夸父又蜀觀井碑成湯自上而臨下夸父處

中而見受渴欲得飲飲於河渭任臣案何諷夢渴賦

疑謂此人渴欲得飲飲於河渭云辨夸父于渭上

不足北飲大澤

任臣案王勃九成宮頌前旌逐日夸父斷洪河之流盧鵠蠓蠓集飲夸父於後溼本

此未至道渴而死棄其杖化為鄧林

郭曰夸父者蓋神人之名也其能及日景

而傾河渭豈以走飲哉寄用於走飲耳幾乎不疾而速不

行而至者矣此以一體為萬殊存亡代謝寄鄧林而逕形

惡得尋其靈化哉任臣案淮南子夸父棄其杖是為鄧

林博物志云海水西夸父與日相逐棄其杖化為鄧林

阮藉詠懷詩夏后乘靈輿夸父爲鄧林江淹遂古篇夸父
鄧林義亦艱兮庾信竹林賦一傳大夏宏成鄧林又羽調
曲羣材旣聚故能成鄧林詩品云篇章之珠澤文彩之鄧
林李邕曰賦夸父棄策崩走何益初學記云夸父棄杖魯
陽揮戈阻害云鄧林之一枝崑山之片玉後周書云挺棟
幹于鄧林駱賓王露布鄧林萬里交影甘泉之樹楊炯渾
天賦夸父棄策無以方其駿奔李白大獵賦大章按步以
往來夸父振策而奔走文苑英華云卑沃焦於尺土微鄧
林以秋毫吳淑曰賦棄杖復聞於夸父又杖賦棄鄧林而
自茂盧裊賦慨夸父之鄧林昂燭龍於崑崙皆指此也又
襄州南鳳林山亦名鄧林是古鄧祁侯國荀子云鄧地之
山林是也非此圖贊曰神哉夸父難以理尊傾沙逐日遐
形鄧林觸類而化應無常心陶潛讀山海經詩夸父誕宏
志乃與日競走俱至虞淵下似若無勝負神力旣殊妙傾
河焉足有餘迹寄
鄧林功竟在身後

博父國在聶耳東其爲人大右手操青蛇左手操黃蛇鄧

林在其東二樹木一曰博父禹所積石之山在其東河水

所入郭曰河出崑崙而潛行地下至慈嶺復出注鹽澤從鹽澤復行南出於此山而為中國河遂注海也書曰

導河積石言時有壅塞故導利以通之

拘纓之國在其東一手把纓郭曰言其人常以一手持冠纓也或曰纓宜作癭任臣

案淮南子作句嬰民注云讀為九嬰劉氏類山云一曰利

跂踵句癭是為海外三十六國句癭即拘纓也任臣案尋木

纓之國尋木長千里在拘纓南生河上西北即穆天子傳

姑繇之木之類也郭璞游仙詩縱酒濛汜濱結駕尋木未成公綏詩扶桑高萬仞尋木長千里圖贊曰渺渺尋木生

于河邊踈枝千里上于雲天垂陰四極下蓋虞淵又李善文選注引此作樽木

跂踵國在拘纓東郭曰跂其為人大兩足亦大郭曰其人

看地也孝經鉤命章曰焦僂跛踵重譯款塞也任臣案淮南子自東北至西北方有跛踵民注云跛踵踵不至地以五指行竹書紀年夏帝癸二年跛踵民來賓呂氏春秋云桀暴于羊辛跛踵即此國人也李巡爾雅注曰蠻類有八天竺咳首焦僂跛踵穿胃僂耳狗軹旁春論衡曰周時若穿胃僂耳焦僂跛踵之輩不能三千江淹遂古篇跛踵交脛與羽民今又墨子禮記疏古音餘俱作跛踵圖贊曰厥形雖大斯脚則企跳步雀踴踵不闕地應德而臻款塞歸一曰大踵

歐絲之野在大踵東一女子跪據樹歐絲郭曰言噉桑而吐絲蓋蠶類也

任臣案博物志曰嘔絲之野有女子方跪據樹而嘔絲此海外也太平廣記曰歐絲之野女子據樹嘔絲楊慎補注云世傳絲神為女子謂之馬頭娘後漢志曰宛窳蓋此類也圖贊云女子鮫人體近蠶蚌出珠匪甲吐絲匪蛹化出無方物豈有種梁蕭恪進世祖賡野蠶自績何謝歐絲白氏六帖云跪樹歐絲生桑得繭吳淑絲賦云或吐之而

之而脆樹談薈云織綃之鮫人泣珠據樹之女
漢卒此又因祇園女子內五色絲口中則成文錦沈
其女子亦吐絲三桑無枝在歐絲東其木長百仞無枝
也三桑無枝在其西吳淑桑賦圖邛傳北海之名謂三桑
也

范林方三百里在三桑東洲環其下

郭曰洲水中可居者環繞也

務隅之山帝顓頊葬于陽

郭曰顓頊號為高陽冢今在濮陽故帝邛也一日頓邛縣城門

外廣陽里中任臣案冠編云顓頊葬廣陽里務隅之陽劉會孟曰此招魂葬衣冠之所非濮陽帝邛也九嬪

葬于陰

郭曰嬪婦一曰爰有熊羆文虎離朱鴟久視肉

任臣案王氏釋

義曰離朱而下皆異物或以為殉葬之具

平邛在三桑東爰有遺玉郭曰遺玉玉石任臣案遺玉

年為琥珀又十年為璽字書云璽遺玉也是其解也高昌

人名為木璽謂玄玉為石璽梁四公記云交河之間平磧

中掘地深一丈下有璽珀此璽王耳徐氏審修青鳥視肉

賦云按子營子平丘兮弄遺王子三桑謂此也

楊柳甘祖郭曰其樹枝幹皆赤黃花白葉黑實呂氏春

華郭曰亦赤枝幹黃華任臣案楊慎補百果所生任臣

注云甘華即秋利云木蜜俗云蜜瓜

南子平邛作華邛青鳥作青馬楊柳作有兩山夾上谷二

楊桃甘祖作甘桂與經文大同小異

大邛居中名曰平邛任臣案圖贊曰兩山之間邛號曰平

爰有遺玉駿馬維青視肉甘華奇果

生所

北海內有獸其狀如馬名曰騊駼郭曰陶塗兩音見爾雅任臣案字林云北方

良馬也一名野馬王會解成王時禺氏來獻駒駼又伊尹
四方令正北以野馬駒駼為獻史記北域奇畜則駒駼邢
昺爾雅疏駒駼幽隱之獸有明王在位則至熊氏瑞應圖
云王者德感則駒駼至孫氏瑞應圖曰有賢王則駒駼來
為時辟除災害劉賡瑞錄云觸邪解牙除害駒駼張說
監牧頌舉其神異則駒駼騶虞乘黃茲白頹氏漢書注云
陶塗國出此馬因為名圖贊曰駒駼野駿產自北域交
頸相摩分背翹陸雖有孫陽終不能服駼宋書作駼張萱
彙雅曰駼又獸名狀有獸焉其名曰駼狀如白馬鋸牙食
如黃牛虎文非此

虎豹

郭曰周書曰義渠茲白茲白若白馬鋸牙食虎豹按
此二說與爾雅同任臣案說苑師曠云駿驪食豹

豹食駼駼食虎又獸之食虎豹者復有渠搜鼯鼠穀青
腰狻猊耳虎鷹渠搜即鼯犬一名露犬穀一名黃腰有

素獸焉狀如馬名曰蚤蚤

郭曰即蚤蚤鉅虛也一走百里
見穆天子傳音耶任臣案爾

雅翼云蚤鼠前而兔後趨則顛走則顛故常與耶耶距虛
比為耶耶距虛齧甘草即有難耶耶距虛負之號北肩獸

宛委餘編云東有魚比目曰鰈南有鳥比翼曰鶉西有獸
比肩曰邛邛距虛玄覽曰東海之鰈比目而後達北方之
獲更食更親而後飽西方之鰈得蛩蛩距虛而後行南方
之鶉比翼而後舉王會篇獨鹿國獻蛩蛩距虛瑞應圖云
比肩獸王者德及幽隱則至劉孝標啓蛩蛩之謀止于善
草周周之計利在銜翼圖贊曰鰈與鰈虛乍兔乍鼠長短
相濟彼我俱舉有若自然同心共脣相如子虛賦鰈蛩蛩
麟距虛張揖注云蛩蛩青獸狀如馬距虛似龍而小李善
章句云蛩蛩即距虛變文五石青獸焉狀如虎名曰羅羅
言耳是邛邛距虛爲一獸也

任臣案騁雅曰青虎謂之羅羅今雲

南蠻人豕虎亦爲羅羅見天中記

北方禺彊人面鳥身珥兩青蛇踐兩青蛇

郭曰字玄冥水神也莊周曰禺

彊立于北極一曰禺京一本云北方禺彊黑身手足乘兩

龍

任臣案太公金匱北海神名玄冥越絕云玄冥治北

方白辯佐之五嶽真形圖云北海神名帳餘里又名禺彊
江淹遂古篇北極禺彊爲常存今圖贊曰禺彊水神面色

鯀黑乘龍踐蛇凌雲附
翼靈一玄冥立于北極

山海經廣注卷之八終

漢經廣注

八

漢書一
文
立
平
水
林
漢
黑
飛
韻
起
抽
文
雲
剛

山海經廣注卷之九

仁和吳任臣注

海外東經

海外自東南陬至東北陬者

嗟邱

郭曰音嗟或作髮作差邱盧櫛滄溟賦云偃轡嗟邱

任臣案續文獻通考引此邱與節甘淵

爰有

遺玉青馬視肉楊柳甘柎甘華

任臣案鹽爰集云楊甘華子鬢邱

甘果所

生在東海兩山夾邱上有樹木一曰嗟丘一曰百果所在

在堯葬東

大人國在其北爲人大坐而削船

任臣案淮南子云自碣石山過朝鮮貫大人之

出注曰朝鮮樂浪縣大人國在其東博物志曰大人國其
人孕三十六年生白頭其兒則長大能乘雲而不能走蓋
龍類去會稽曰萬六千里劉會孟云穆滿升巨人之臺古
有此國太平廣記曰新羅國東與長人國接身三丈鋸牙
釣爪不食一國在瑤邱北任臣案一本或謂卽此也

奢比

任臣三才圖會作奢比

之尸在其北

郭曰亦神名也奢比黃帝七輔之一冠編

任臣案

云黃帝友奢比友地輿史奢比韓子東以為土師是也國名記有奢比國盧補洽賦云獻奢比游無垠

身人面大耳珥兩青蛇

郭曰珥以蛇貫耳也音鈞創之餌任臣案釋義曰青蛇以象木也

類一曰肝榆之尸在大人北

任臣案釋義曰既曰奢比又曰肝榆肝亦木屬盧補放招

賦云左蔭肝榆右儼鄧林謂此也

君子國在其北衣冠帶劍食獸使二人虎在旁其人好讓

不爭

任臣案淮南子云東方有君子之邱注曰東方木德仁故有君子之國其人衣冠帶劍食獸使二文虎也

天老曰鳳五色備舉出于君了之國京房亦云鳳皇高丈

二出于東方君子之國博物志云君子國好禮讓不爭土

千里民多疾故人不蕃息好讓故為君子國後漢書列傳

東方曰天性柔順日以道御至有君子不灰之國焉盧

陵羅氏曰北方有不釋之水南方有不灰之草東方有君

子之域西方有殘刑之尸圖贊曰東方氣仁國有君子薰

華是食雕虎是使雅有薰郭曰或作董任華草朝生夕

好禮讓委蛇論理臣案一本作董誤

死任臣案爾雅椶木椶櫚木椶逸書云仲夏之月木椶榮

之謠無疑博物志亦云多一日在肝榆之尸北

薰華之草似猶緣此誤也

重重在其北郭曰音虹任臣案古音畧云重音臬義與

寬蛻蛻同又案漢天文志抱珥重蛻則重虹

古字各有兩首郭曰虹螭螭也任臣案春秋運斗樞樞

通也星散為虹蛻河圖曰鎮星散為虹蛻又吐

金化玉所見不一是重
重亦豐儉列缺類也
一曰在君子國北

朝陽之谷

任臣案江淹賦朝陽之谷崦嵫之泉

神曰天吳

任臣案天吳水伯名嵇康琴賦天吳

踊躍於重淵木華海賦天吳乍見而髣髴庾闡詩天吳躍

靈壑特駕奔霄冥謝靈運詩川石時安流天吳靜不發王

勃乾元殿頌序松風伯子詞林詔天吳于筆海沈雲卿詩

颺颺榮海若靈靈取天吳李賀浩歌云帝遣天吳移海水

重愛子云天吳吸重靈靈水沈僊王世貞沈僊云天吳

紛隣其求下談數曰李天吳常備杜天吳紫鳳之句顧坐

客云吳音華見山海經未知復見何書王仲行對云後漢

書載就被收獄吏燒銀斧使就焚之注引何承天纂文錄

音華又詩不吳不敷不吳不揚亦
皆音華據此則天吳必華音矣
是為水伯在重重北兩

水間其為獸也八首人面八足八尾皆青黃

郭曰大荒東經云十尾

任臣案圖贊云耽耽水伯號曰谷神八頭十尾人面虎身
龍據兩川威無不震郁離子曰天吳八首八足而相抑九

佐之
指此也

青立國在其北

郭曰其人食五穀衣絲帛任臣案抱朴子云黃帝東至青邱過風山見紫府先生

授以三皇內文呂覽云禹至鳥谷青邱之鄉王會注青邱海東地名服虔曰青邱國在海東三百里相如賦云秋田乎青邱彷徨乎海外梁元帝職貢圖序度青邱而跨丹穴庾信羽調曲青邱還褊圖丹穴更巢梧王勃為趙長史表西窮赤水之源東究青邱之境又乾元殿頌青邱畫野不踰征賦之鄉顧起元壯遊歌左望青邱渚右眇白雲鄉宋史天文志青邱七星在其狐四星九尾一曰在朝陽北郭彰東南海東之國號也其狐四星九尾一曰在朝陽北汲郡竹書曰栢杵子征于東海及王壽得一狐九尾即此類也任臣案瑞應圖九尾狐六合一同則見文王時東方歸之呂氏春秋云禹行塗山乃有白狐九尾造於禹塗山人歌曰綏綏白狐九尾麗麗成王時青邱貢九尾狐見逸周書圖贊曰青邱奇獸九尾之狐有道翔見出則銜書作瑞周文以標靈符

帝命豎亥

郭曰豎亥健行人

任臣案羅泌作豎亥吳越

玉海云韋亥所步禹契所書顧起元帝京賦測霄之圭此以豎亥王氏釋義曰此所謂帝或當為禹天豈有命豎亥步地之理又黃帝臣亦名豎亥

步自東極至于西極五億

十選

郭曰選萬也任臣案楊氏補注

九千八百步

任臣案淮

南子云禹乃使大章步自東極至于西極二億三萬三千五百里七十五步使豎步自北極至邱南極二億三萬三

千五百里

豎亥右手把算左手指青邱北

任臣案楊慎云右手把算左手

指青邱亦言鑄象也盧柟滄溟賦云便旋豎亥之浦謂此圖贊曰禹命豎亥青邱之北東盡泰遠西窮亦國步履宇

宙以明

一曰禹令豎亥一曰五億十萬九千八百步

郭曰詩舍

靈德

神霧曰天地東西二億三萬三千里南北二億一千五百里天地相去一億五萬里任臣案春秋命歷序曰有神

人始立地形既度四海遠近所至東西九十萬里南北八十一萬里天文錄曰天地廣南北二億三萬三千五百里七十五步東西短減四步呂氏春秋云四極之內東西五億有九萬七千里南北亦五億九萬七千里括地象曰八極之廣東西二億三萬三千三百里南北二億三萬一千五百里張衡靈憲經云八極之維徑二億三萬二千三百里南北則短減千里東西則廣增千里言人人殊由鳥迹人迹之曲直不同古今之里法步法不一也

黑齒國在其北

郭曰東傳曰倭國東四十餘里有裸國

物志云西屠染齒亦以放此人任臣案呂氏春秋禹東至黑齒之國淮南子自東南至東北有黑齒民又云堯立西教沃民東至黑齒水華海賦云或汎汎悠悠於黑齒之邦江淹遂古篇其外黑齒次裸民兮後漢書云自侏儒東南至黑齒國三國志云去女王四千餘里黑齒國復在其東南柳子招海賈文黑齒藏麟鱗文肌木史言漢東道黑齒皆此也又屠移在海外以草染齒亦號黑齒王會篇黑齒白鹿白馬伊尹四方令云正西漆齒左思吳都賦儋耳

黑齒之長管子雕題黑齒南土志黑齒蠻在永昌關南以漆漆其齒見人以此為飾寢食則去之百濟西部有黑齒氏唐黑齒常之其種族也非此國為人黑食稻啖蛇一赤一青郭曰一作青蛇

在其旁一曰在豎亥北為人黑首食稻使蛇其一蛇赤下

有湯谷郭曰谷中水熱也湯谷上有扶桑郭曰扶桑木也任臣案兩幹同根相為依倚

故名扶桑猶之扶荔扶竹扶筍皆取斯義神異經云東方有樹焉高八十丈敷張自輔葉長一丈廣六尺名曰扶桑樹長三尺五寸十洲記曰扶桑在東海之東岸一萬里碧海之中樹長數千丈大二千圍今南中有佛桑亦名扶桑非此也又案戴埴鼠璞曰離騷云飲馬咸池摠轡扶桑東京賦登天光於扶桑謝莊月賦擅扶桑於東沼張衡思立賦憑雲遐逝夕宿扶桑楊炯渾天賦扶桑臨於大海淮南子曰日出暘谷拂於扶桑注云東方之野山海經曰暘谷有扶桑十目所浴如此則扶桑在沈寥之表及觀南齊扶桑傳沙門慧深來說云扶桑在大漢東二萬里土多扶桑

本草似桐初生如荀國人食之實如梨績其皮爲布錦及
紙其地乃在中國東或謂日出扶桑以日自東方出耳猶
倭自謂日出處天子也山海經多十日所浴任臣案楚辭
誕不足爲據也其言甚辨附記之十日代出流
金燦石唐董思恭詩滄海十枝暉立圖重輪慶謂此路史
餘論云天有十位居於陽谷次以甲乙迭運中土君有失
道則兩日並闕三日出爭在黑齒北居水中有大木九日
以至十日並出大亂之道
居下枝任臣案仲長統傳云九陽代燭卽此**一曰居上枝**郭曰莊周云昔者
枯淮南子亦云堯乃令羿射十日中其九日日中鳥盡死
離騷所謂羿焉畢日烏焉落羽者也歸藏鄭昉經云昔者
羿善射畢十日果畢之汲郡竹書曰亂甲卽位居西河有
妖孽十日並出明此自然之異有自來矣傳曰天有十日
日之數十此云九日居下枝一日居上枝大荒經又曰一
日方至一日方出明天地雖有十日自使以次第迭出運
照而今俱見爲天下妖災故羿稟堯之命洞其精誠仰天
控弦而九日潛退也假令器用可以激水烈火精威可以

降霜回景然則羿之鑠明離而斃陽烏未足為難也若搜
之常情則無理矣然推之以數則無往不通達觀之客宜
領其玄致歸之冥會則逸義無滯言奇不廢矣任臣案
羅長源陳一中諸子以十日為扶桑君十子九日為凶
日九嬰羿所射者謂此十日也今觀經文所載景純所注
似南華國寶之言果不誣者理有或然存而不論圖贊曰
十日並出草木焦枯羿及嵒茲仰落陽鳥可謂洞感大
懸符王充論衡曰十日者大火也奈火在地一氣也地無十
火天安得十日然則所謂十日者殆更自有他物光質如
日之狀居湯谷中水時絳據扶桑焉蓋見之則紀十日天
地之間物氣相類其實非者多海外西南有珠樹焉察之
是珠然非魚中之珠也夫十日之目猶珠樹之珠也珠樹
似珠非真珠十日似日非實日也淮南見山海經則虛言
真人燭十日安經書時十日並出且日火也湯谷水也水
火相賊則十日浴於湯谷當滅敗焉火燃木扶桑木也十
日處其上宜焦枯焉今浴湯谷而光不滅登扶桑而枝不
焦不枯與今日出同不駭於
五行故知十日非真日也

雨師妾在其北

郭曰雨師謂屏翳也

案兩師通甲開山圖作宋帶又云雲師似蠶兩師似蝠
雲笈七籤云兩師名馮修號曰樹德搜神記曰兩師畢星
也一曰號屏一曰玄冥事物別名云兩師名陳華夫列仙
傳曰赤松子神農時兩師金樓子云虞吏虎也兩師龍也
兩師蓋龍伯瘕龍之類楊慎補注曰兩師有妾如姮娥其
織女宓妃等耳焦贛易林亦云兩師娶婦要皆寓言也
為人黑兩手各操一蛇左耳有青蛇右耳有赤蛇一曰在
十日北為人黑身人面各操一龜

玄股之國在其北

郭曰髀以下盡黑故云任臣案楚辭

南子海外三十六國有玄股民高誘注曰玄股其股黑其

雨鳥夾之盧梅滄溟賦畧玄股兼離耳延離題覽黑齒其

郭曰以魚皮為衣

為人衣魚

郭曰水鳥也音憂任臣案楊

水中國也均藻云玄

使兩鳥夾之一曰在兩師妾北

毛民之國在其北為人身生毛

郭曰今去臨海郡東南二千里有毛人在大海洲島

上為人短小面體盡有毛如猪能穴居無衣服晉永嘉四年吳郡司鹽都尉戴逢在海邊得一船上有男女四人狀

皆如此言語不通遂詣丞相府未至道死惟有一人在上賜之婦生子出入市井漸曉人語自說其所在是毛民也

大荒經云毛民食黍者是矣任臣案職方外紀南亞墨利加之南為智加人通體生毛制異記云泥離國人長四

尺自乳以下有毛毛自腋又烏蘇國其人三爪號三爪蠻身生長毛皆毛民類也神異經八荒之中有毛人曰髡麗

異苑云吳孫皓時臨海得毛人淮南子東北方有毛民注云體半生毛若矢鏃羅漫國名記作髦民鬻贊曰率悲海

鳥西子駭康或貴穴或尊裳衣物我相傾孰了是非王充論衡曰海外三十五國有毛民羽民毛羽之民土形所

出非言為道一曰在立股北

身生毛羽也

勞民國在其北其為人黑

郭曰食果草實也有一鳥兩頭

任臣案淮南子海外三十六

國自東南至東北方有勞民注云勞民躁擾不定圖贊曰陽谷之山國號黑齒兩師之妾以蛇掛耳玄人食驅勞民

或曰教民一曰在毛民北爲人面目手足盡黑

東方勾芒身人面乘兩龍郭曰木神也方面素服墨字

勾芒賜之壽十九年任臣案月令春月其神勾芒注云少皞之子重也左傳木正曰句芒劉安云東方之帝大皞其佐勾芒白虎通曰芒之爲言萌物始生也東方義取此司馬大人賦使勾芒其將行兮吾欲往乎南嬉史記正義云勾芒東方青帝之佐也劉會孟云東方青龍也故人乘兩龍然西南之神皆乘兩龍不獨東方也唐閻朝隱詩勾芒人面乘兩龍指此圖贊曰有神人面身身素服銜帝之命錫齡秦穆皇天無親行善有福

建平元年四月丙戌

任臣案哀帝乙卯歲也

待詔太常屬臣望

任臣案太常初名奉常景帝六年改其屬有六太六令等官望疑是丁望

校治侍中光祿

勳臣龔

任臣案侍中加官也光祿勳初為郎中令武帝太初元年更名龔王龔也

侍中奉

車都尉光祿大夫臣秀

任臣案奉車都尉武帝時置秩比二千石光祿大夫初為

中大夫亦太初元年改秀劉歆也

領主省

山海經廣注卷之十

仁和吳任臣注

海內南經

海內東南陬以西者

郭曰從南頭起之也

甌居海中

郭曰今臨海永寧縣卽東甌在岐海中也音嘔任臣案劉會孟云甌今温州府城北東至磐

石村會于海洋是曰甌海王應麟王會注曰漢以東甌地立同浦縣後漢以章安縣之東甌鄉置永寧縣章安卽回浦又楊嶼云郭注岐海海之岐流也猶云裨海

閩在海中

郭曰閩越卽西甌今建安郡是也亦在岐海中任臣案羅泌曰郭璞以建安爲西甌非是竇

字記鬱林廢黨州經善勞縣乃古西甌居非閩也今建安有東甌城相傳吳王濞發兵圍東甌在此然閩中實不得

謂之其西北有山一曰閩中山在海中任臣案周禮職方氏掌八蠻七閩之

人民史記卷之四閩越蛇種也故字从虫何喬遠閩書曰按閩之海山今閩中地有穿井闢地多得螺蚌殼敗標知洪荒之世其山在海中後人乃先後填築之也

三天子山在閩西北郭曰今在新安歙縣東今

也張氏土地記曰秦陽水東南四里有石城山上有小石城云黃帝曾遊此即三天子都也任臣案今屬徽州

績溪黃省曾廬山今少品神禹經昔為天子都以匡廬為天子都黃氏之誤也一曰在海中

桂林八樹在番禺東任臣案百粵風土記云桂

林八樹山海經在番禺東番禺即桂州今粵西地最宜桂大者十圍終年蔥蒨秋風時起四遠聞香至冬枝端結子

累累如小蓮子中空有漿魏禹卿西事珥曰海內南經載桂林八樹在番禺東番禺即今桂州則番禺東在何處予

讀路史桂國引伊尹四方令蓋桂陽也然則入桂乃桂陽
以桂林爲入桂者誤茲以二書証之地里則番禺古屬南
海今在粵東而二書皆以爲桂州地誠所不解也又臨桂
今有桂山三峰鼎峙山多桂樹丹鉛錄云桂林之山玉笋
瑤簪森列無隙經之所指必此然當云在番禺西而云在
其東者豈亦有誤文耶高氏緯畧台州亦有入桂廣志云
臨海白石山入桂所植金鸞所集似非此○番禺水經注
後漢書注引此皆作責禺又海錄碎事引經入樹作入桂
伯慮國郭曰離耳國郭曰搜離其耳分令下垂以爲飾卽
未詳離耳國儋耳也在朱崖海渚中不食五穀但
噉蚌及諸蕒也任臣案林邑記云漢置九郡儋耳與馬
交廣春秋云儋耳與交州俱開南裔異物志曰儋耳俱在
朱崖分爲東蕃應劭曰儋耳者種大耳渠率自謂王者耳
尤緩下肩三寸張晏曰儋耳鑊其頰皮上連耳分爲數支
狀似鷄腸累耳下垂臣讚曰茂林書儋耳去長安七千三
百六十八里又廣東志周武王十有八年儋耳入貢是儋
耳之名至周始見其先固爲離耳也伊尹四方令云離耳
漆齒劉鳳雜俎曰離耳離題之俗盧仝賦云兼離耳皆指

此也又其國以黑為美彫題國郭曰黠涅其面畫體為黠
 故離騷亦謂之玄國郭曰黠涅其面畫體為黠
 尹四方令曰貫匈雕題王制曰南方曰蠻雕題交趾有不
 火食者矣楚辭大招彫題黑齒得人肉以祀些梁簡文大
 汰頌題雕題鏤舌紫支黃庚子山文雕題鑿齒識海水以
 來王許敬宗賀雲表雕題鏤眉之類壇表板屋之朋皆
 謂此或作雕題見白虎通馬端臨曰自嶺而南當唐虞三
 代是百越之地亦謂之南越古謂之雕題王會補注云題
 額也刻其肌北胸國郭曰木皆在鬱水南鬱水出湘陵南
 以丹青涅之

山一曰相慮

梟陽國在北胸之西

任臣案梟或作梟又作獠羽獵賦云

而索賴兮過獠陽以反唇陽亦作羊吳都賦其上則獠子
長嘯其下則梟羊鬻狼淮南子云山出梟羊水出閭象今
交廣謂之狒狒北方謂之吐螻李賀詩鸞鵲題深竹吳正
子注即梟羊也又作楊王氏彙苑云狒狒仗梟楊先導北

胸西爾雅疏引其爲人人面長唇黑身有毛反踵見人笑

亦笑左手操管

郭曰周書曰州靡髣髴者人身反踵自笑笑則上唇掩其面爾雅云髣髴大傳曰周

書成王時州靡國獻之海內經謂之贛巨人今交州南康郡深山中皆有此物也長丈許脚跟反向健走被髮好笑雖者能作汁灑人卽病土俗呼爲山都南康今有贛水以此人因以名水猶大荒說地有蜮人人因號其山爲蜮山亦此類也任臣案酉陽雜俎獬豸力負千斤作人言如鳥聲能知生死笑輒上吻插額血可染緋髮可爲髮飲其血可見鬼宋建武時高郡城進雌雄二頭圖贊曰獬豸怪獸被髮操竹獲人則笑唇蔽其目終亦號咷反爲我戮

兕在舜葬東湘水南

任臣案釋義曰今廣西

其狀如牛蒼黑一角

任臣

案爾雅兕似牛注云一角青色重千斤說文兕如野牛皮堅厚可制鎧交州記曰兕出九德有角角長三尺餘形如馬鞭柄

蒼梧之山

任臣案劉會孟曰蒼梧今屬湖廣永州府寧遠縣其山九嶷相似

帝舜葬于陽

郭曰卽九疑山也禮記亦曰舜葬蒼梧之野也

任臣案

傳曰舜葬蒼梧九疑之山拾遺記曰舜葬蒼梧有鳥如雀

來蒼梧之野銜青砂珠積成塋阜名曰珠邱寶積記云舜

葬蒼梧有鳥名馮霄能啣土成墳邱兼能返形變色登木

則成禽行地則爲獸呂覽云舜葬紀市不變其肆蓋九疑

山下亦有紀邑也或云紀在河中府皮氏又王應麟困學

紀聞曰舜葬蒼梧之野薛氏云孟子以爲卒于鳴條呂氏

春秋云舜葬于紀蒼梧山在海州界近莒之紀城鳴條亭

在陳留之平邱今考九域志海州東帝丹朱葬于陰

海縣有蒼梧山始存其說以傳疑云

陽復有丹朱冢也竹書亦曰后稷放帝朱于丹水與此義

符丹朱稱帝者猶漢山陽公死加獻帝之謚也

任臣案九域志鄧今有丹朱冢郡縣釋名云丹朱陵乃在相之永

和鎮王在晉山陵考曰丹朱冢在南陽府內鄉縣西北七

里一統志亦云在內鄉縣廢浙川縣西北未知孰是又丹

朱稱帝猶象封有鼻而稱鼻天子也上世朴畧不以此稱

帝

為獬豸故不帝而帝者如魁臺青陽乾荒孺帝玄囂商均皆帝稱不獨一朱也郭以漢獻事例之非其倫矣

汜林方三百里在狴狴東郭曰或作狴狴字同耳狴狴知人名任臣案准

南子狴狴知往而不知其為獸如豕而人面郭曰周書曰鄭郭狴狴者

狀如黃狗而人面頭如雄鷄食之不昧今交趾封溪出狴狴土俗人說云狀如豚而腹似狗聲如小兒啼也任臣

案獸經云狴狴人面而善笑狴狴人面而善啼水經注云葉榆有狴狴獸形若黃狗又狀狴狴人面頭顏端正善與人言音聲麗妙如婦人好女圖贊曰狴狴之狀形在舜葬

乍如犬厥性識往為物警辨以酒招灾自治纓罽

西

狴狴西北有犀牛其狀如牛而黑郭曰犀牛似水牛猪頭在狴狴知人名之西北

庫脚三角任臣案犀牛三角一在頂上一在額上一在鼻上所謂食角也劉欣期交州記云犀出九德毛如豕蹄

有甲類似馬吳錄地理志云
武陵沅陵縣以南皆有犀

夏后啓之臣曰孟涂是司神于巴人

郭曰聽其獄訟爲之神主任臣案冠編

夏禹二歲命孟涂爲理竹青紀年帝啓八歲使孟涂爲巴
蒞訟路史云孟涂敬職而能理神爰封于丹水經注引此

作血請訟于孟涂之所郭曰令其衣有血者乃執之郭曰

者則血是請生郭曰言好生也任臣案問贊曰孟涂司
見于衣巴聽訟是非厥理有此血乃是衣所請靈

斷嗚呼居山上在丹山西丹山在丹陽南丹陽居屬也郭

神徵今建平郡丹陽城秭歸縣東七里卽孟涂所居也任臣
案羅苹云丹山之西卽孟涂之所理也丹山乃今巫山

窳窳龍首居弱水中在狺狺知人名之西其狀如龍首食

人郭曰窳窳本蛇身人面爲貳有木其狀如牛郭曰河圖
負臣所殺復化而成此物也玉版說芝

生或如草馬或如引之有皮若纓黃蛇郭曰言牽之

蛇狀也其葉如羅郭曰如綾羅也任臣案羅一名羅見爾雅其實如藥

郭曰藥本名黃木赤枝青葉生雲雨山或作卵或作麻音

鑾任臣案藻林云藥即木蘭凡冢皆樹之又本草木藥

子形如豌豆堪為數珠則木之名藥者不一也楊慎補注

云藥借作丸謂圓如鳥彈也抱朴子曰建木芝生於都廣

其皮如纓其實如鸞鳥狀數說未知孰是其木若藍郭曰藍亦木名

且謂其實如飛鳥狀數說未知孰是其木若藍郭曰藍亦木名

未詳任臣案字其名曰建木任臣案淮南子云建木在

彙音灑刺榆也廣都張衡思玄賦躔建木

于廣都兮據若華而躊躇馬融廣成頌珍林嘉樹建木叢

生孫綽天台山賦建木滅景於千尋琪樹璀璨而垂珠江

淹遂古篇建木千里鳥易論兮廣信趙將軍墓銘波分建

木派流玄滬敬括建木賦廣都有建木焉大五千圍生不

知始高八千在冥窳西弱水上郭曰建木青葉紫莖黑花

尺仰不見巔黃實其下聲無響立無影

也任臣案圖贊曰爰有建木黃實紫柯皮如蛇纓葉有素羅絕蔭弱水異人則過

氏人國郭曰氏音在建木西其為人人面而魚身無足郭曰

盡謂以上人育以下魚也任臣案即大荒互人國也羅

泌云互人宜作其人徐廣神錄云謝仲玉者見婦人出

沒水中腰以下皆魚徂異記曰查道奉使高麗見海沙中

一婦人別後有紅鬘問之曰人魚也職方外紀云海中有

海女上體為女人下體則魚形又禹治洪水觀于

河見白面長人魚身出曰吾河精也形狀與此同

巴蛇食象三歲而出其骨君子服之無心腹之疾郭曰今

蛇吞鹿鹿已爛自絞于樹腹中骨皆穿雖甲問出此其類

也楚辭曰有蛇吞象歟大何如說者云蛇長千尋任臣

案面史物性志巴蛇長十尋備青黃赤黑色食象三歲而

出其骨庾仲雍江記曰羿屠巴蛇于洞庭其骨若陵文心

雕龍注巴山一名巴蛇冢是其地也一統志巴蛇冢在岳州府城南長沙風土記云巴蛇吞象空見于圖書鵬鳥

似鴟但聞于詞賦左思三都賦屠巴蛇出象骼虞世南
子賦碎隨兕于斷鬻握巴蛇于指掌李白詩脩蛇橫洞
吞象臨江島柳宗元天對云巴蛇腹象足覲厥大三歲
骨其脩已號吳淑蛇賦云或乘彼龍星或出夫象骼謂此
也圖贊曰象實巨獸有蛇吞之越出其骨三年為期狀大
何如屈生是疑羅良願曰說巴陵者以為巴蛇之死其骨
若陵又有象骨山以為象暴骨之所今倭國有獸如牛名
山鼠彼有大蛇亦吞此獸皮堅不可斫蓋巴蛇類也聞奇
錄曰香陽有書生經山中見氣高丈餘如煙鄉人言此岡
子蛇吞象也遂集衆振譟已而蛇退入谷中經宿鄉人各
持鉏耨往見一象尚立而肌骨已化為水咸鉞破取水云
過海置此舟中能辟去蛟龍又曰裔志蝟蛇營蝟維大蛇
既洪且長采色駸映其文錦章食灰貪鹿腴成養瘡
賓饗嘉食是豆是觴審此則吞獸者不獨巴蛇也其為

蛇青黃赤黑一曰黑蛇青首在犀牛西

旄馬其狀如馬四節有毛

郭曰穆天子傳所謂毫馬者亦有旄牛任臣案穆天子傳注

一

在巴蛇西北高山南

開題之國

列人之國並在西北

郭曰三國並存

鹿馬西北

予知率部臣于櫛黜黜臣出
 予知率部臣于櫛黜黜臣出

山海經廣注卷之十一

仁和吳任臣注

海內西經

海內西南陬以北者

貳負之臣曰危危與貳負殺竇窳帝乃桎之疏屬之山

郭曰

桎猶繫縛也古沃切

任臣案文中子云疏屬之南汾水

之曲即斯山也劉會孟曰疏屬山今陝西延安府綏德縣

左思賦亦猶帝之解縶而與夫桎桎疏屬也張協七命云

解疏屬之拘王世貞寓詩貳負殺竇窳帝討羈石室桎

拳銅其刑千載

桎其右足

郭曰桎械也

反縛兩手與髮

郭曰并髮台縛

鬱如脂謂此

也繫之山上木在開題西北

郭曰漢宣帝使人上郡發盤石石室中得一人跽裸被髮

反縛械一足以問群臣莫能知劉子政接此言對之宣帝
大驚於是時人爭學山海經矣論者多以謂是其尸象非
真體也意者以靈怪變化論難以理測物稟異氣出于不
然不可以常運推不可以近數推矣魏時有人發故周王
冢者得殉女子不死不數日時有氣數月而能語狀如
廿許人送詣京師郭太后愛養之恒在左右十餘年太后
崩此女哀思哭泣一年餘而死即此類也任臣案圖贊
曰漢擊盤石其中則危劉生是識群臣莫知可謂博物山
海乃奇王充論衡云董仲舒觀重常之易劉子政曉貳負
之尸李商隱落其工蚩尤之輩與貳負同袍王世貞類雋
序貳負見表于中山三觴流蹟于洛水盧傳放招賦貳負
反縛石室圖且又酬德賦緩貳負之虐械啓華表之靈思
又詩貳負縛填間石室格兩足指此也又獨異志載劉歆
司疏屬之尸須七歲女子以乳之即變為人帝如其言遂
能應對故博物策云取女乳而疏屬之尸可語辭亦誕矣
宛委餘編云劉向識貳負姪格之尸蓋僵尸數千年不朽
者也今鄆溪水側有重人穴穴中有僵尸不知年載又記
云人以五月五日生者尸不腐皆此之類

大澤方百里羣鳥所生及所解

郭曰百鳥於此生乳解之毛羽任臣案竹書紀年

王北征流沙積羽千里即此圖贊曰地號積羽厥方百里群鳥雲集鼓翅雷起穆王旋軫爰策駉耳

在鴈門

北鴈門山鴈出其間在高柳北

任臣案江淹別賦遼水無極鴈山參雲吳淑鴈賦入

梁州而逾塞過高柳而知門一統志鴈門山在代州北三十五里鴈出其門故名一名鴈門塞今有鴈門關隋有鴈

縣門

高柳在代北

任臣案水經注高柳在代中其山重巒疊嶂霞舉雲高連山隱隱東出遼塞徐陵勸進元

市表高柳生風扶桑銜日庚信宿國公碑名雄高柳又趙廣碑南臨高柳楊炯孔子碑映高柳而對扶桑即斯地也

后稷之葬山水環之

郭曰在廣都之野

在氏國西

流黃酈氏之國

任臣案一本作豐

中方三百里

郭曰言國城內任臣案淮南子流

黃沃民在其北方三百里羅泌國

有塗四方

郭曰塗道任臣案圖贊

名記云流黃辛姓在三巴之東曰城圍三百連河北棟動是塵昏

中有山在后稷葬西

任臣

案劉曾孟云太昊初國于此

流沙出鍾山

任臣案流沙即鳴沙界其地人馬踐之有聲括地象曰水有懸泉之神山有鳴沙之異王

制西不盡流沙禹貢西被于流沙宋玉招魂篇西方之害

流沙千里晉書曰弱水出流沙流沙與水同行也在西海

郡北雍大記曰鳴沙山在河州衛城南七里一名沙角山

沙如乾糠天氣清朗時沙鳴聞于城內水經流沙地在張

掖居延縣東北五代史云瓜州南十里有鳴沙山冬夏殷

殷有聲如雷蔡沈書傳曰河州西八十里其沙隨風而行

故曰流沙方勻云西安州即唐鹽州西至流沙六日沙深

細沒馬脰無水源即乾沙耳二日至西海沈括記鄜延西

北有范河即淖沙也北人謂之活沙人馬履之外皆動如

人行幙上其下足處甚堅若遇其一陷則人馬駢車應時

皆沒或謂此卽流沙也路史亦謂之神沙圖贊曰天限內
外分以流沙經帶西極頽塘委蛇注於黑水永溺餘波又
嶺海異聞云萬里長沙在萬里石塘東
南卽流沙河也疑此爲流沙之下流
西行又南行崑崙
之墟西南入海黑水之山
郭曰今西海居延澤尚書所謂
流沙者形如月生五日也任

臣案楊慎云謂形如半
月也唐詩江畔洲如月

在大澤東

人在東

國在漢水東北地近於燕滅之

孟鳥

郭曰亦鳥名也

在國東北其鳥文赤黃青東鄉

任臣案釋義云孟鳥

上無所因而獨當紀事之一意其群聚若犬國與

海內崑崙之墟在西北

郭曰言海內者明海外復有崑崙山任臣案王崇慶云疑其重出

恐非有

二崑崙

帝之下都崑崙之墟方八百里高萬仞

郭曰皆謂其墟基廣

輪之高庫耳自此以上二千五百餘里上有醴泉華池去嵩高五萬里蓋天地之中也見禹本紀任臣案十洲記

云崑崙崑崙有三角正北曰閼風嶺正西曰玄圃臺正東曰崑崙

崑崙宮神異經曰崑崙崑崙有銅柱焉其高入天所謂天柱也圍

三千里園如削江淹遂古篇云崑崙之墟海此間兮去彼

宗周萬上有木禾長五尋大五圍郭曰木禾穀類也生黑

二千兮任臣案淮南子崑崙其高萬一千里百一十四步三

傳尺六寸上有木禾其修五尋李善云禾木生而王木衰而

死故曰木禾抱朴子云崑崙上有木禾高四丈九尺事物

紺珠云木禾二月生八月熟張衡思立賦發昔夢於木禾

兮穀崑崙之高岡張景陽七命云大梁之黍瓊山之禾注

云瓊山禾即崑崙木禾也曹爰子齊山賦云澹容與以邇

迴兮仰木禾焉是襄柳宗元詩披山窮木禾駕海踰蟠桃

圖贊曰崑崙之陽鴻鸞之阿爰有嘉穀號曰木禾匪植匪

耘自然靈播王圻續通考云明始興令楊應隆言其遠祖

掘地得石甕發之有物數百枚長三寸餘上下膚如穀形

去膚熟之直是大米後食者皆百二三十歲嘗讀圖經稱

崑崙有木禾食者得上壽豈其餘粒耶又飛廉面有九井

草亦名木禾食之身輕延壽與此同名異實

以玉為檻郭曰檻欄任臣案淮南子崑崙旁有九井面

玉橫維其西北之隅呂氏春秋云崑崙之井面

有九門門有開明獸守之百神之所在在八隅之巖郭曰

間也任臣案靈寶經曰五山安鎮玄嶺高峙崑崙閭風

黃老為治葛洪枕中書云崑崙玄圃金為墉城四方千聖

城上安金臺五所玉樓十二瓊華之屋紫翠丹房七寶金

玉積之連天巨獸萬尋靈香億千西王母九光所治群仙

無量也

赤水之際非仁羿莫能上岡之巖郭曰言非仁人及

能得登此山之岡嶺巖也羿嘗請藥西王母亦言其得

道也羿一或作聖任臣案路史堯命羿去下地之難號

仁羿楊慎補注云古謂有才藝

者為羿非必指有窮之君也

赤水出東南隅以行其東北西南流注南海厭火東任臣

縣釋名曰赤水衛城南有赤水

水河一名赤虺河源出芒郭

河水出東北隅以行其北西南又入渤海又出海外即西

而北入禹所導積石山

郭曰禹治水復決疏出之故云導河積石任臣案漢書西域傳河

有兩源一出葱嶺一出于闐于闐在南山下其河北流與

葱嶺河合東注蒲昌海蒲昌海一名鹽澤即泐澤也又復

潛行地下南出積石為中國河蔡沉云積石在金城郡河

關縣又古之言河源者不一元都實以河出火敦腦兒明

宗泐親至其地復云出赤坂必列山要皆崑崙

之異名也爾雅注引經云河出崑崙西北隅

洋水郭曰音翔任臣案穆天子傳庚辰濟于洋水即斯

水高誘淮南注云洋水經隴西氏道東至武都為漢

陽黑水出西北隅以東東行又東北南入海羽民南

郭曰西域

弱水青水出西南隅以東又北又西南過畢方鳥東

郭曰西域

傳鳥弋國去長安萬五千餘里西行可百餘日至條枝國

臨西海長老傳聞有弱水西王母云東傳亦曰長城外

數千里亦有弱水皆所未見也淮南子云弱水出窮石窮

石今之西郡那冉蓋其派別之源耳任臣案今溜山四

山手至黃上

面濱海小溜無慮三千舟行遇風入溜卽溺土人曰此弱水三千也

崑崙南淵深三百仞

郭曰靈淵

開明獸身大類虎而九首皆人

面東嚮立崑崙上

郭曰天獸也銘曰開明為獸稟資乾精

任臣案駢雅云

虎大而長尾曰

耳長尾而五采曰騶吾九首而人面曰

開明圖贊云開明

天獸稟茲乾精虎身人面表此傑形

視崑崙山威懾百靈

劉基樂府曰指揮開明闢帝關又抱朴

子稱崑崙有神獸

獅子辟邪天鹿焦羊之屬五城十二樓

下有青龍白虎蛟

蛇明不獨開明也

開明西有鳳凰鸞鳥皆戴蛇踐蛇膺有赤蛇

開明北有視肉珠樹

任臣案淮南子言城九重珠樹在其西列子蓬萊之山珠玕之樹叢生李

時珍以為珠樹卽琅玕樹也蓋古人謂石之美者多謂之珠廣雅稱琉璃珊瑚皆為珠是已然下文復有琅玕樹不

應前後異稱且更叠見所未敢信也又案熊大古冀越集
云嘗見蠻人得珠子樹數擔田藝衡日札亦以嶺南有珠
于樹又海外經有三珠樹則珠樹當自是一種豈卽王子
年所謂珍林者歟吳淑珠賦云曾城列樹開明廣植梁簡
文南郊頌序珠樹素禽越火枝之地王勃九成宮頌沼分
瑤水花跨珠林顧起元壯遊歌金芝何翩翩珠樹何扶疎
張仲素晏瑤池賦翩翩三鳥拂珠樹以相隨楊維禎小游
仙詩錦駝鳥鳴珠樹林黃道周詩珊瑚生海中珠樹出危
嶺許景樊望仙謠三花珠樹春雲香本文玉樹郭曰五采
此又王充論衡云珠樹似珠非真珠也文玉樹王樹任
臣案王嘉拾遺記曰崑崙山第六層有五色玉樹陰翳五
百里夜至水上其光如燭括地象曰崑崙墟北有玉樹淮
南子云有玉樹在赤水之上抱朴子云崑崙有珠玉樹沙
棠琅玕碧瑰之樹玉李玉瓜玉桃每風起珠玉之樹枝條
花葉互相扣擊自成五音又楊雄甘泉賦翠玉樹之青葱
師古注云玉樹集衆寶爲之漢武故事云上起甲帳乙帳
前庭種玉樹三輔黃圖云甘泉宮北有槐樹今謂玉樹紀
少瑜詩玉樹起千層曹植詩綠蘿緣玉樹庾闡詩玉樹標

雲翠蔚梁劉七舉亦曰玉樹青葱所說不同未知所指也
又黃氣陽精經曰諸天人悉採珠玉之華以拂日月之光
雲笈七籤云真人星圍七百七十里玄冥星圍八百里中
有玉樹赤寶金翅之所棲復云流汨之池廣千里中有玉
樹共說似玕琪樹郭曰玕琪赤玉屬也吳天璽元年臨海
近誕也玕琪樹郭曰玕琪赤玉屬也吳天璽元年臨海
莖葉紫色詰曲傾靡有光彩即玉樹之類也于其兩音
任臣案爾雅東方之美者有璠無間之珣玕琪焉說文玕
琪石之似玉者穆天子傳云重鎚氏之所守曰玕琪微尾
璠雅曰長璠玕琪美玉也神異經曰瀛洲之山有琪樹瑤
草武伯奮詩琪樹年年玉葉新黃姬水職貢圖箴苕華玕
琪王氏大和山賦无璠玕琪盧棊賦瑤碧之草玕琪之樹
圖贊曰文王玕琪方以類叢翠葉猗菱丹柯玲瓏玉光爭
煥彩艷火龍楊慎補注云玕琪即珊瑚樹未審是非也又
孫綽賦琪樹璀璨而垂珠明皇歌云庭前琪樹已堪攀此
蓋泛指雜樹也又六朝事迹言寶林寺前有琪樹疑亦同
名而異不灰樹郭曰言長生也任臣案鴻烈解玉樹璇
物者不灰樹郭曰言長生也任臣案鴻烈解玉樹璇

長生木樹二枝林中記云金華殿後有長生樹世謂之西
王母長生樹皆不灰樹也張衡思玄賦登閼風之層城兮
講不灰而為牀徐陵天台碑不灰之草猶稱南裔長生之
樹尚挺西崑謂此圖贊曰萬物暫見人生如寄不死之樹
壽蔽天地請藥鳳凰鸞鳥皆戴郭曰音又有離朱任臣
西燒烏得如羿案一
名離木禾栢樹甘水郭曰即醴泉也聖木郭曰食之令人智聖也
俞任臣案圖贊曰醴泉
睿木養靈盡性增氣之和祛郭曰曼兌郭曰未詳一曰挺木牙交郭
神之冥何必生知然後為聖
淮南作旋樹
旋玉類也

開明東有巫彭巫抵巫陽巫履巫凡巫相郭曰皆神醫也

醫楚辭曰帝告巫陽任臣案中天佚典巫彭問沈淵格

天之道又云帝偕巫彭造濟之陽呂氏春秋許慎說文張

季明醫說皆云巫彭初作醫盧柟放招賦云太卜巫彭路

史云黃帝命巫陽主筮蘇軾文公碑謳吟下遣招巫陽王

世貞挽歌仰問巫陽師安能為我權又離閔云招徐吾使
獄余今巫陽據而見逮顧起元賦帝閭信信在鬱蕭兮孰
召歲崇與巫陽蠨蛸集云緘悲歸來今卜巫陽又彙苑巫
陽天帝之女也主巫余寅同姓名錄曰海內西經開明東
中有六巫皆神醫也大荒西經豐沮玉門有十巫升降靈山
中有兩巫彭兩巫抵疑非一人是以叠見而各處一山

夾窳窳之尸皆操不死之藥以距之

郭曰為距却

窳窳者

蛇身人面貳負臣所殺也

任臣案圖贊曰窳窳無罪見害貳負帝命群巫操藥夾守遂淪

溺淵變為龍首

服常樹

郭曰服常木未詳

任臣案淮南子

其上有三頭

人伺琅玕樹

郭曰琅玕子似珠爾雅曰西北之美者有崑崙之琅玕焉莊周曰有人三頭遞卧遞起以

伺琅玕與玕琪子謂此人也任臣案淮南子云南方有鳥名為鳳天為生食其樹名瓊枝以璆琳琅玕為實天又

爲生離珠一人三頭遞卧遞起以伺琅玕也黃道周表大
臣近而小臣親卽伺鳳凰琅玕之寶璫瑞錄云人伺琅玕
龜送洪範本此圖贊曰服常琅玕崑山奇樹丹實珠離綠
葉碧布三頭是伺遞望遞顧拾遺記云崑崙有瑯玕琅玕
之玉荀子注崑崙崙山有琅玕樹琅玕蓋石似珠者可爲冠
冕之飾禹貢雍州厥貢惟璆琳琅玕張衡四愁詩美人贈
我金琅玕傳玄西長安詩羽爵翠琅玕李白詩鳳凰不啄
粟所食在琅玕本草謂之青珠別錄謂之石珠或謂之石

干關

開明南有樹

任臣案淮南子

鳥六首蛟

郭曰蛟似蛇四脚龍類也

蝮蛇

任臣案爾雅蝮蛇博三丈首大如擘疏云江淮以南曰蝮江
淮以北曰虺本草序云鱗屬卵生而蝮蛇胎產

豹島秩樹

郭曰木名未詳

于表池樹木

郭曰言列樹以表池卽華池也

誦鳥

郭曰形未詳也
鶴郭曰雕也
穆任臣案字或去鳥易射隼于高墉
視肉

山海經

卷十一

八

山海經廣注卷之十終

東風命亦寒往本草謂之青泉根類歸之平泉寒風不
如金車其出之西身交荷其骨其類在李曰鶴鳳凰不
最之說謂其葉狀如鳳其羽如鳳其羽如鳳其羽如鳳
之王謂其玉出於崑崙山其羽如鳳其羽如鳳其羽如鳳
葉其市三其玉出於崑崙山其羽如鳳其羽如鳳其羽如鳳
離其玉出於崑崙山其羽如鳳其羽如鳳其羽如鳳其羽如鳳
里其玉出於崑崙山其羽如鳳其羽如鳳其羽如鳳其羽如鳳
然其玉出於崑崙山其羽如鳳其羽如鳳其羽如鳳其羽如鳳

山海經廣注卷之十二

仁和吳任臣注

海內北經

海內西北陬以東者

蛇巫之山上有人操杯而東向立一曰龜山

郭曰杯或作梮字同任

臣案楊氏古韻曰杯梮古字通大杖也音棒打之棒作杯音者非又林茂槐字考云璞注杯或作梮乃木杖上聲也
用修以杯作去聲何耶朱晦翁曰山海經諸篇記異物飛走之類多云東向或作東首皆為一定不易之形疑本依圖畫而為之非實紀此處有此物也

西王母梯几而戴勝杖

郭曰梯謂憑也

其南有三青鳥為西王母

取食

郭曰又有三足鳥主給使

在崑崙墟北有人曰大行伯把戈其東

有犬封國

郭曰昔盤瓠殺王高辛以美女妻之不可以訓乃浮之會稽東南海中得三百里地封之生

男為狗女為美人是為狗封之民也

任臣案劉會孟云

今長沙武陵蠻是瓠大之後游朴諸苗考曰麻陽民土著

者皆繫瓠種與苗同祖一村有石名繫

貳負之尸在大行

瓠石民其祀焉有玃狔其先亦同姓

伯東

犬封國曰口口國

郭曰黃帝之後卜明生白犬二頭自相牝牡遂為此國

狀如犬

言狗國也

任臣案淮南子狗國在其東事物紀原云狗

國人身狗首長毛不衣語若嗅其妻皆人能漢語穴居食

生

有一女子方跪進杯食

郭曰與狗食也

有文馬縞身朱鬣

郭曰色白

如縞

任臣案李賀馬

曰若黃金名曰吉量

郭曰

乘之

詩巖焦朱色落謂此

壽千歲

郭曰用書曰文馬赤鬣白身目若黃金名曰

金項若鷄尾名曰雞斯之乘大傳曰駮身朱鬣雞日山海

經亦有吉黃之乘壽千歲者惟名有不同說有小錯其實

一物耳今博舉之以廣異聞也任臣案公羊註疏文王

得白馬朱鬣大貝元龜禮斗威儀云白馬朱鬣瑞於文王

王應麟王會注云吉黃之乘周文王時西土獻之書大傳

散宜生之犬氏取美馬駮身朱鬣雞目者取九六焉瑞

應圖云騰黃神馬一名吉光說文馬赤鬣編身目若黃金

名曰馮字彙作駮淮南子云澤馬曰吉良博物志曰文馬

赤鬣身白名古黃之乘又五音集韻引經云犬封之國有文

馬縞身朱鬣名曰古驥藝文類聚引經云犬封之國有文

馬縞身朱鬣名曰吉驥稱名各別是古本之殊也圖贊曰

金精朱鬣龍行駿踣拾節鴻驚塵不及起是謂吉皇釋聖

里牖

鬼國在貳負之尸北爲物人面而一目一曰貳負神在其

東為物人面蛇身

任臣案論衡北方有鬼國玄覽云毗舍那有鳥語鬼形之民楊氏齋乘云鬼國

在駿馬國西或曰易稱伐鬼方即此也利瑪竇輿圖志云

鬼國之人改在耳日鼻與人同惟口在頂上此與經

說全異當別為一種耳又劉會孟曰羅施鬼國今貴州然貴

竹地屬西南其說未是談薈云鬼國人面蛇身而一目蓋謂此

蝮犬

郭曰音陶或作蝮音鈞

如犬青食人從首始

任臣案談薈云蝮犬如犬嶺狗如菟

盧稱崑崙山人賦誇畢方使先驅兮走蝮犬之信信又放

招賦蝮犬猜猜從首是食且本此也王氏釋義曰凡獸相

食視朔望為準朔以後食首望以後

食下體此食人從首其尤異者與

窮奇狀如虎有翼

郭曰毛如蝮任臣案呂氏春秋鴈門北饗餐窮奇之地太平御覽北方有獸

狀如虎有翼名窮奇此又窮奇渾敦儕机饗餐是為四

凶取此義也盧憊滄溟賦邀余於泰皇之坂以觀乎窮奇

之民食人從首始所食被髮在蝮犬北一曰從足

帝堯臺帝嚳臺帝丹朱臺帝舜臺各二臺臺四方在崑崙

東北

郭曰此蓋天子巡狩所經過之地慕聖人恩德輒其為築立臺觀以標顯其遺跡也一本云所殺相柳地

腥臊

不可種五穀以為衆帝之臺

任臣案九域志翼之

唐陽有堯臺郡國志云信都堂陽古臺二並號堯臺城塚

記云堯臺二

所羅泌餘論曰海內北經有帝堯臺帝嚳臺

帝舜臺之類

非一夫帝王之冢曰陵亦謂之臺故帝嚳曰頓邱

相柳其血腥

不可以植乃以為衆帝之臺故帝嚳曰頓邱

臺堯母冢曰靈臺

鄴有魏文武甄后三陵臺張賓進所謂

三臺險固者也

顧起元說畧曰古聖久於其位赴格之日

殊方異域無不為位而墳土

以致其哀敬顧嚳堯湯之陵

臺皆傳數出漢遠郡國

皆起國廟亦若是也

大蠡其狀如蠡朱蛾其狀如蛾

郭曰蛾蚍蜉也楚辭曰玄

蜂如壺赤蛾如象謂此也

任臣案爾雅土蜂即馬蜂也

荆楚間呼為螳方言曰蜂

大有蜜謂之壺蜂嶺表錄異曰唐劉恂見大蜂結房山林

間大如巨鐘彭儼五侯鯖云大蜂出崑崙崙崙長一丈其毒殺
象杜陽雜編曰唐德宗時吳明國貢碧蜜峰聲如鸞鳳大
者重十餘斤蜜色翠碧亦斯類也蜂蟻通五行記後魏時
兖州有赤蟻與黑蟻鬪長六七步廣四寸立覽云潮州有
盈尺之蟻則離騷所謂如象非寓言矣吳淑蟻賦云處欄
鑄之石出崑崙之墟本此圖贊曰蛇巫之山有人操杯鬼
神蚺夫主為妖災大
蜂朱蟻羣帝之臺

蟻其為人虎支脛有脊

郭曰言脚有膊腸也音橋

在窮奇東一曰狀如

人崑崙虛北所有

郭曰此同上物事也

關非人面而獸身青色

郭曰音榻云正西鬼親

積已關耳關非疑即

關耳

據比

郭曰一云據比

之尸其為人折頸被髮無一手

任臣案盧稱賦勞巷渚而

昔據比又云問據比之尸指此也
談薈云據比之尸其人無一手

環狗其為人獸首人身一曰蝟狀如狗黃色

任臣案五代史牛蹄

之北有狗國人身狗首長毛不衣手搏猛獸語為犬噪意
卽此也盧稱秦宇賦云檻黃狗而踐蠱圍又伊尹四方令
曰南有崑侖狗國易林云穿冑狗邦
僵離旁春計其道里似別為一種

祿其為物人身黑首從目

郭曰祿卽魅也任臣案從縱通言其目縱生也古人亦有縱

目者蜀族蠶叢其目縱或作石棺石
尊俗以為縱目人冢見華陽國志

其為人人首三角

任臣案圖贊曰人面獸身是謂闔非被髮折頸據比之尸三其角祿豎

其

林氏國

任臣案雜錄碧芬出林氏國乃騶虞與豹交而生大如犬毛可為裘卽此國也又汲冢書林氏上衡

氏爭權林氏再戰勿勝上衡氏僞義勿克俱身死國
亦斯國也國名記云林氏國出騶虞與葛鼠近

獸大若虎五彩畢具尾長于身名曰騶虞任臣案字學指

賈氏周禮疏乘之曰行千里郭曰紂因文王問天之徒詣

引經作鄒吾悅乃釋之周書曰英林耳若虎尾參於身食虎豹大傳

謂之任獸吾亦作虞也任臣案陸佃埤雅云騶虞尾參

于身白虎黑文西方之獸也王者有至信之德則應不踐

生草食自然之肉中興徵祥說曰天下太平則騶虞見毛

萋詩傳云騶虞白虎黑文不食生物孫柔之瑞應圖云王

者不暴及行葦則見括地象曰令嘗野中有玉虎晨鳴雷

聲聖人感應之期司馬相如賦罔騶虞之珍群又曰般般

之獸樂我君罔白質黑章其儀可喜曹丕典引云擾緇文

皓質于郊獸經云騶虞義獸說文系傳曰騶虞林氏國之

珍獸也張衡東京賦罔林氏之騶虞徐氏審修賦云駕林

氏之騶吾謂此也圖贊曰怪獸五彩尾參于身矯足千里

儵忽若神是謂騶虞詩嘆其仁劉會孟曰五色爛然為婆

羅花五色畢具為騶虞獸皆稟五行之精者唐太和元年
有白虎入重峰觀即騶虞也又永樂二年周王收鉤州獲
騶虞宣德四年滁州來安石固山獲二騶虞獻之朝群臣
皆賦咏之夏原吉賦序云猊目虎身白質黑章修尾逾目
不食生不踐草

崑崙虛南所有汜林方三百里

任臣案事物紺珠曰

與埤雅所載同
西北海汜林浮生廣三百里隨波上
下盧枏賦云蹇將遊乎汜林指此

從極之淵

任臣案路史注作極

湊三百仞維水

恒都焉

郭曰水

馮也淮南云馮

得道以潛大川即河伯也

穆天子傳

所謂河伯無

者竹書作馮

字或作水也

任臣案太公金匱

河伯名馮循太公伏陰謀云名馮修又

河圖曰姓呂名

鴻烈解云一名馮遲名號不同彼此各

異聖賢記曰馮

服人石得水仙江

水

人面乘兩龍

郭

淹賦云水

倚浪以傲睨即此也

人面乘兩龍

郭

畫四面各乘靈車駕二龍

任臣案括地圖曰馮

恒乘

雲車駕二龍鴻烈解云馮

大丙之御也乘雲車入雲蜺

西陽雜俎云水人面魚身圖贊曰稟華之精練食八石

乘龍隱淪往來海若是謂水仙號曰河伯又曰水上水鱗

潛映洞川赤松是服靈蛻一曰忠極之淵陽汙之山河出

乘煙吐納六極升降九天

其中郭曰皆河之枝源所出之處也任臣案陽汙即陽

之山穆天子傳天子西征至陽紆之山河伯馮之所都

居是惟河宗氏淮南曰禹治洪水具禱陽紆蓋于此也括

地象云河又出于陽紆陵門之山路

史禹紀身解勝之河注云陽紆也

王子夜之尸兩首兩股胸首齒皆斷異處郭曰此蓋形解

氣合合不為密離不為疎任臣案西京雜記因暉國有

解形之民頭飛南海左手飛東海右手飛西澤至暮頭還

肩又占城國有飛頭婦韓翕國有飛骸獸亦然圖贊曰子

夜之尸體分成七離不為疎合不為密苟以神御形歸於

一

舜妻登比氏宵明燭光

郭曰即二女字也以能光照因名云任臣案漂粟手牘曰蛾

皇夜寢夢昇于天無日而明光芒射目覺乃燭也于是變生二女名曰宵明燭光以二女為蛾皇所出疑非是初學記云舜妹有數手舜女有宵明燭光並未有封邑之號

處河大澤

郭曰澤河邊溢漫處

二女之

靈能照此所方百里

郭曰言二女神光所燭及者方百里任臣案淮南子宵明燭光在河洲

所照方千里路史云舜次妃癸比氏生二女曰宵明曰燭光處河大澤靈照百里是為湘之神顧起元說畧曰大澤者洞庭之謂而光照者威靈之所暨也迄今湘神所寶靈正百里然則湘祠為虞帝之二女復何疑耶圖贊曰永有佳人宵明燭光流耀河淵稟此奇祥維舜二女別處一方江淹遂古篇帝之二女游湘沅兮宵明燭光何焜煌兮又清思詩帝女在河洲晦映西海側又效阮體詩宵明輝西極女圭映東海謝靈運緩歌蛾皇發湘浦宵明出河洲溫子昇常山公主碑令淑之至比光明於宵燭蘇頌涼國公主碑我則有祥宵明燭光張說鄆國公主碑舜有宵燭動

百里之光 一名登北氏

任臣案登北書多作癸北姓蔡又

耀本此也 封癸比氏之出于巴陵蛙螢子又云癸比氏從子封巴陵
生二女是謂湘神楚辭所稱湘夫人者指宵明燭光也說
畧曰湘陰黃陵為癸比之墓而臨桂縣城北十餘里有
雙女冢特舜女也程良孺云舜三妃亦名少匿

蓋國在鉅燕南倭北倭屬燕

郭曰倭國在帶方東大海內

針功以丹朱塗身不妒忌一男子數十婦也 任臣案鄭

樵都邑畧東沃沮在蓋馬大山之東注云蓋馬縣名疑即

蓋國又路史云登北國在鉅燕之

南倭之北屬燕似二國同一地也

郭曰朝鮮今樂浪縣

朝鮮在列陽東海北山南列陽屬燕

郭曰朝鮮今樂浪縣

名也今在帶方帶方有列口縣 任臣案名山藏曰朝鮮

近日本日之所出朝景鮮明也世法錄云朝鮮直遼東南

以日東出鮮潤故名陳士元譯語音義曰國有油水油鮮

同音因名朝鮮黃謀憲輜軒錄云堯戊辰歲有神降太伯

山檀木下朝鮮人君之謂之檀君此朝鮮立國之始鄭樵
通志畧曰朝鮮都王險漢樂浪郡茅氏象胥錄曰檀君箕
子並都王壤史稱衛滿都王險王險亦平壤也劉會孟云
朝鮮地分八道又名三韓楊一葵裔乘云朝鮮至今凡三
四易姓圖贊曰箕子避商自
竄朝鮮善者所有豈有隱顯

列姑射在海河洲中

郭曰山名也山有神人河洲在海中

也任臣案東山經有北姑射南姑射三
山皆在中國此則藐姑射蓋遠在海中者

姑射國在海中屬列姑射西南山環之大蟹在海中

郭曰

里之蟹也任臣案王會篇海陽大蟹注海水之陽一蟹
盈車此云千里則更異已嶺南異志云昔有海南海中行
遇沙渚林木茂甚乃維舟登岸費于水傍牛炊而林沒詳
視之大蟹也玄中記云北海之蟹舉一螯能加於山身故
在水中亦
此類也

陵魚人面手足魚身在海中

任臣案屈子天問云鯪魚何所柳宗元天對云鯪魚人面

迺列姑射嶺海異聞曰人魚長四尺許體髮牝牡人也惟

背有短鬣微紅注云西海陵魚即此又昌氏春秋大解陵

魚大人之居多無君亦謂斯也圖贊曰姑射之山實栖神

人大蟹下里亦有陵鱗曠哉溟海含怪藏珍鄧元錫物性

志近列姑射山有鯪魚人面人手魚身見則風濤起柳子招

海賈文註曰山海經鯪魚有刺如三角皆與經文異似誤

大鯪居海中

郭曰鯪即魴也音鯪任臣案爾雅魴鯪注云東江呼魴為鯪一名鯪音魴

明組邑居海中

郭曰音組似綸組似組東海有之注海若之類即此

也邑猶言聚也蓋綸為青苔紫菜之屬組乃海中昆布陳

燕器云昆布葉如手大似薄葦紫赤色李時珍曰昆布生

登萊者槎如繩索之狀出閩浙者大葉似菜又吳晉本草

云綸布一名昆布是更以昆布為綸也所說不同如此孫

綽望海賦華組依波而

錦披翠綸扇風而繡舉

蓬萊山在海中

郭曰上有仙人宮室皆以金玉爲之鼻歌盡白望之如雲在渤海中也任臣案列

子渤海之東其中有山一曰岱輿二曰員嶠三曰方壺四曰瀛洲五曰蓬萊玄中記云東南之大者有巨蓬以背負蓬萊山十洲記云蓬萊山週迴五千里外別負海之溟海無風而洪波百丈有九氣丈人九天真君宮則蓬萊園在海之中也又云蓬邱卽蓬萊山拾遺記曰亦名防邱亦名雲來高二萬里廣七萬里王氏釋義曰今登州海中有大小竹山及田橫諸島且其屬邑曰蓬萊卽此也圖贊曰蓬萊之山玉碧構林金臺雲館皓哉獸禽實維靈府玉主甘心

大人之市在海中

任臣案楊慎補注云今登州海市也登州四面皆海春夏時遙見水面有城郭

市肆人馬往來若交易狀土人謂之海市

山海經廣注卷之十二終

山海經廣注卷之十三

仁和吳任臣注

海內東經

海內東北瓠以南者

鉅燕在東北陬

國在流沙中者埽端

郭曰音喚或作蘭喚臣案抱朴子有璽產之國

疑卽此也又字義總畧作璽喚在崑崙墟東南一曰海內之郡不爲郡縣

在流沙中

任臣案王氏釋義曰不爲郡縣猶今所謂無爲州

國在流沙外者大夏

郭曰大夏國城方二三百里分爲數十國地和溫宜五穀任臣案伊尹

四方令曰正北大夏淮南子云空同大夏管子云桓公西
伐大夏涉流沙王會篇大夏茲白牛注西北國也史記大

夏在大宛西監沙居繇郭曰音遙任臣案魏畧云流
南二千餘里

支之國郭曰月支國多好馬美果有大尾羊如驢尾即藏
羊也小月支天竺國皆附庸云任臣案支亦作

氏闕駟十三州志西平張掖之間大月氏之別小月氏之
國內典云薄佉羅即月支也鄭曉吾學編云赤斤蒙古古

月氏地圖贊曰監沙居繇塿端璽喚沙漠之鄉絕地之館
或羈于秦或賓于漢劉會孟云此博望所通所謂城郭諸

國

西 白玉山在大夏東

任臣案赤水西亦有白玉山非此

蒼梧在白玉山

西南皆在流沙西崑崙墟東南崑崙山在西 西皆在西

北

郭曰地理志崑崙山在臨羌西又有西王母祠也任
臣案王崇慶曰崑崙墟以其餘地而言崑崙山方指本

山而
言

雷澤中有雷神龍身而人頭鼓其腹在吳西

郭曰今城陽有堯家靈臺

雷澤在北也河圖曰大迹在雷澤華胥履之而生伏羲任臣案雷澤在濟陰城陽縣西北禹貢作雷夏周禮作廬維鄭立作雷雍昔舜漁于雷澤卽此地金氏曰今濮州雷澤縣西北雷夏陂東西二十里南北十五里蓋言雷澤也淮南子云雷澤有神龍身人頭鼓其腹而熙奚囊櫓云軒轅遊于陰浦有物焉龍身而人頭鼓腹而遨遊問于常伯常伯曰此雷神也有道則見又李肇國史補云雷秋日伏蟄狀如鼃月令廣義云雷公形猪首手足各兩指執一赤蛇嚙之且雷書載雷礪雷環雷楔諸物甚詳据此則雷神果有形之物矣

都州在海中一曰郁州

郭曰今在東海朐縣界世傳此山

也郁音鬱

任臣案郡縣釋名曰郁州卽臨朐之朐山也

一名覆釜山後漢志東海郡有朐縣注實齊之駟邑隨之

逢山又案一統志云胸山東北海中有大洲謂之鬱洲又
名郁州一名郁鬱山一名蒼梧山或言昔從蒼梧飛來然
則郁州近胸山東北非即胸山也圖贊曰南極之山
越處東海不行而至不動而改維神所運物無常在

琅琊臺

任臣案一作瑯

在渤海間瑯瑯之東

郭曰今瑯瑯在海邊有山巖嶢特起

狀如高臺

此即瑯瑯

瑯瑯臺也

瑯瑯者越王

勾踐入霸中國之

所都

任臣案括地志密州諸城縣東南有瑯瑯臺越王

勾踐觀臺也越絕曰勾踐徙琅邪起觀臺臺周七里以望

東海水經注琅邪臺在城東南十里郡國十道記云瑯瑯

臺上有始皇碑碑上有六百字可識又云臺上有神泉人

或汗之立竭齊乘曰秦始皇廿八年南登琅邪大樂之留

三月徙黔首三萬戶于臺下漢于此置琅邪縣武帝亦嘗

登焉今山下井邑遺迹猶存登山石道如故土人名曰御
路謝朓詩東限瑯其北有山一曰在海間
瑯臺西距孟諸陸

韓鴈在海中都州南

任臣案釋義曰疑即今之遼東

始鳩在海中轅厲南

郭曰國名或曰鳥名也任臣案釋義曰據文會理上通書列國豈至此

獨以一鳥參乎以國為近是圖贊曰韓厲始鳩在海之州雷澤之神鼓腹優游瑯瑯嶠嶢邈若雲樓

會稽山在大楚南岷三江首

大江出汶山

郭曰今江出汶山郡升遷縣岷山東南經蜀郡犍為至江陽東北經巴東建平宜都南郡

江夏弋陽安豐至廬江南界東北經淮南下邳至廣陵郡入海任臣案明末時江陰人徐弘祖出關至崑崙山歸作溯江紀源一書言禹貢岷山導江特汎濫中國之始按其發源河自崑崙之北江亦自崑崙之南其龍脉與金沙江相並南下環滇池以達五嶺江之所以大於河也其說亦足補前人之未及矣

北江出曼山南

江出高山高山在城都西入海在長州南

浙江出三天子都在其東

郭曰按地理志浙江出新安縣南蠻中東入海今錢塘浙江

是縣即歙也浙音折任臣案浙江之名前此未有實始
 于山海經浙江出三天子都水經漸江出三天子都漸江
 即浙江也吳越春秋越王至浙江之上望見大越山出重
 秀天地再清史記云水至會稽山陰為浙江又云秦始皇
 至越唐臨浙江盧肇曰浙者折也蓋取其潮出海屈折而
 倒流也一名羅剎江亦名浙河莊子所謂浙河之水育吞
 天沃日之勢謝康樂云浙河之外棲遲山澤是也郭子章
 郡縣釋名云又名曲江七發曰將以八月之望觀壽于黃
 陵之曲江曲迺折之謂也然南齊書言南兗州刺史每以
 秋月出海陵觀濤則曲江自在廣陵非浙江明矣又一統
 志引經云三天子山在率東率山今在休寧縣俗名張公
 山何喬遠輿地記云休寧縣山曰率山水曰率水山海經
 浙江出三都山在率東在閩西北入海餘暨南郭曰餘暨
 蓋此山也今本無此文
 今為永興縣任
 臣案今之蕭山

廬江出三天子都入江彭澤西郭曰彭澤今彭蠡也在尋
 陽彭澤縣任臣案水經

廬江水出五天子都北一曰天子鄣任臣案汪循率山記過彭澤縣西北入于海曰天子鄣或以續之大鄣山為山海經所稱三天子都非也水經漸江出三天子都在率東廬江出三天子都入彭蠡今維率山之水山陰山陽一東一西而流入于江者與古脗合嘗遊率山見巨石上鐫三天子都字筆畫摹索可驗其處有仙人跨澗石清風嶺獨枕山近三天子石有圓土岡東西有播鼓尖振衣岡中擁小石岡竊謂兩巨中小以小為尊此即三天子都也又錢氏黃山記載新安吳時憲曰黃山有最高峰曰三天子都東西南北皆有鄣發有三天子鄣南都也匡廬亦稱天子鄣西鄣也續溪有大鄣東北鄣也天都為天子都率山匡廬大鄣為天子都之鄣其說似為允云

淮水出餘山餘山在朝陽東義鄉西入海淮浦北郭曰今淮水出

義陽平氏縣桐栢山山東北經汝南汝陰淮南譙國下邳至廣陵縣入海朝陽縣今屬新野任臣案水經淮水出南陽平氏縣胎簪山東北過桐栢山禹獲水怪無支祈在此地見古岳瀆經

湘水出舜葬東南陬西環之

郭曰環繞也今湘水出零陵營道縣陽湖山入江任臣

案水經湘水出零陵始安縣陽海山注云即陽朔山也尚

書日記云湘江出靜江府興安縣陽山東北名鐸背東北

至潭州入洞庭下郭曰洞庭地穴也在長沙巴陵今吳縣

入洞庭無所不通號為地脉任臣案劉會孟曰南溟之

水底云無所不通號為地脉任臣案劉會孟曰南溟之

國有洞穴陰源其下通地脉同此唐張說洞庭詩地穴穿

東武江流下西蜀梁四公記曰洞庭穴有四支一通洞庭

湖西岸一通蜀道青衣浦北岸一通羅浮兩山間大谿一

通枯桑島東庖述異記云洞庭山有穴五門東通林屋西

達嵒肩南接羅浮北連岱嶽楊慎補注曰河圖絳象注云

太湖洞庭山林屋洞天即禹藏真文之所一名包山吳王

闔閭命龍威丈人入包山得書一卷凡一百七十四字湘

水所入蓋楚洞庭一曰東南西澤

也或云與包山通

漢水出鮒魚之山

郭曰書曰嶓冢導漾東流為漢按水經漢水出武都沮縣東狼谷經漢中魏興

至南鄉東經襄陽至江夏安陸縣入江別為沔水又為滄浪之水任臣案劉會孟云今嘉定州犍為縣漢成帝得

石磬十六枚于帝顓頊葬于陽九嬪葬于陰任臣案一統志鮒鰭山在水濱乃此也

開州舊頓邱縣西北二十里顓頊葬其陽一名廣陽山今滑縣有顓頊陵楚其地也郡國志云顓頊所葬俗名青冢

山皇覽冢墓記云在濮陽縣頓邱門外廣陽里中崔鴻前趙錄曰顓頊葬廣陽下不及淦十道志云鮒鰭即廣陽山之別名也計其道里與漢水絕不相蒙當在傳疑又寰宇

記顓頊廟臨河東九里九域志順安高陽縣有顓頊陵顏真卿吳地記云烏程有顓頊陵是顏之誤也鮒鰭或作鮒

隅謝朓宋后哀冊文陋蒼梧之不從今遵鮒隅以同壤又路史作務四蛇衛之羅莘曰上郡石穿貳負乃見漢陽索

隅之陽出支祈始聞四蛇衛之何足漢怪昔漢下姬與臨江王之葬皆有燕數千衛土投壙中亦此類也

濛水出漢陽西入江聶陽西郭曰漢陽縣屬朱提任臣案峨眉山有濛水即大渡水

濛水出漢陽西入江聶陽西郭曰漢陽縣屬朱提任臣案峨眉山有濛水即大渡水

也水發濛濛漢東南流與潞水合
聶陽水經注引此作潞陽

溫水出崆峒山在臨汾南入河華陽北
郭曰今溫水在京兆陰盤縣水常溫

也臨汾縣屬平陽
任臣案一統志溫水谷在寶雞縣東南四十里渭水之南郭氏所指者此也與經似不相應又

牂柯亦有溫水岷山亦有溫水非此

潁水出少室少室山在雍氏南入淮西鄢北
郭曰今潁水出河南陽城

縣乾山東南經潁川汝陰至淮南下蔡入淮鄢今鄢陵縣屬潁川
任臣案一統志潁水源出河南府登封縣潁谷

地理志云出陽乾山東經鄭州至襄城縣為渚河又東經臨潁縣西合沙河入淮臨潁志云潁水俗名渚河宋史河

梁志亦隨俗目為渚一曰緱氏
郭曰縣屬河南音鉤任臣案劉會孟云今河南登

河而潁水之名遂湮
封縣禹避陽城即此也

汝水出天息山在梁勉鄉西南入淮極西北郭曰今汝水出南陽魯陽

縣大孟山東北至河南梁縣東南經襄城潁川汝南至汝陰褒信縣入淮淮極地名任臣案劉會孟云今出河南

汝寧府由上蔡西平汝陽入淮立覽云汝出燕泉是謂八流之一水經注云地理志言出高陵山即猛山也亦言出

南陽魯陽縣之大孟山又言出弘農盧氏縣還歸山博物志曰汝出燕泉山皆異名也一曰淮在期

思北郭曰期思縣屬弋陽

涇水出長城北山在郁郅長垣北郭曰皆縣名也郅音侄北入渭

戲北郭曰今涇水出安定朝那縣西笄頭山東南經新平扶風至京兆高陵縣入渭戲地名今新豐縣也任

臣案劉會孟云涇水今陝西西安府涇陽縣

渭水出鳥鼠同穴山東注河入華陰北郭曰鳥鼠同穴山今在隴西首陽縣

渭水出其東經南安天水畧陽扶風始平京兆弘農華陰縣入河

白水出蜀而東南注江

郭曰色微白濁今在梓潼白水縣源從臨洮之西西傾山來經沓中

東流通陰平至漢壽縣入潛任臣案段國沙州記洮水與墊江水俱出強臺山墊江水即白水強臺則西傾之異

名也楊慎云即水經所謂天池白水者是

入江州城下

郭曰江州縣屬巴郡

沅水出象郡鄣城西

郭曰象郡今曰南也

鄣城縣今屬武陵音壽任臣案尚書曰記楚中九

江五曰沅江出沅州西蠻界中至辰州與酉江合又初出為旁溝水至鄣城為沅水楚辭云沅有芷兮澧有蘭指此

水也又秦置郡縣始有日南象郡之名此故後人增益無疑

入東注江入下雋西

郭曰下雋

縣今屬長沙音昨究反

合洞庭中

郭曰水經曰沅水牂牁且蘭縣又東北至鄣城縣為沅水又東過臨

沅縣南又東至長沙下雋縣

贛水出聶都東山

郭曰今贛水出南康南野縣西北音感任臣案郭紹孔正誤曰瀨轉音感水

名出豫章以章水貢水合而名贛水也說文从目義省聲豫章人稱紺蓋一字二音耳一統志曰贛水在吉安府東

章貢二水至贛縣北合為贛江下流一百里凡東北注江

二十四灘廣輿記聶都山在南安府崇義縣

入彭澤西泗水出吳東北而南西南過湖陵西而東南注

東海入淮陰北郭曰今泗水出魯國下縣西南至高平陸縣東南經沛國彭城下邳至臨淮下相

縣入淮任臣案水經注云水出卞縣故城東南桃墟西

北金氏曰泗水縣桃墟西北陪尾山泗水所出又贛水泗

水絕不相蒙古本連文疑有錯簡

鬱水出象郡而西南注南海入須陵東南任臣案一統志鬱江在潯州城

南源出交趾界經邕州至此合黔江又應劭云鬱水出

廣信東入海酈氏云言始則可終則非矣不足据也

山海經卷十三

七

肄水出臨晉西南郭曰音如肄習之肄而東南注海入番禺西郭曰番禺

屬南海越之城下也任臣案即溱水也水經溱水出桂陽臨武縣南繞城西北屈東流或作肆水酈氏引經曰肆

水出臨武西南注于海入番禺西

潢水出桂陽西北山東南注肄水入敦浦西任臣案水經注引經作湟

水徐廣曰湟水一名淮水出桂陽通四會亦曰濯水也漢元鼎元年路博德為伏波將軍征南越出桂陽下湟水即

此水矣水經又謂之桂水

洛水出洛水山東北注河入成臯之西郭曰書云道洛自熊耳按水經洛水

今出上洛冢嶺山東北經弘農至河南鞏縣入河成臯縣亦屬河南也

汾水出上窳北郭曰音愈而西南注河入皮氏南郭曰今汾水出太原晉陽

故汾縣東南經晉陽西南經西河平陽至河東汾陰入河
皮氏縣屬平陽任臣案禹貢既修太原至于岳陽蔡注
云修太原者所以導汾水之源修岳陽者所
以導汾水之流則汾水在禹時故出太原也

沁水出并陘山東東南注河入懷東南

郭曰懷縣屬河內

任臣案劉勰雜俎云沁水春秋之少水也郡縣釋名曰
沁河源出沁源縣有二一自縣西北綿山東谷南流一自
縣東北馬圈溝南流俱至交口村合流入黃河王氏通漕
類編曰沁水出山西沁源縣綿山東谷今由太行山麓至
河南原武縣黑
陽山與河汴合

濟水出其山南東邱

郭曰其與恭同

絕鉅鹿澤

郭曰絕猶截渡也鉅鹿今在高平

注渤海入齊琅槐東北

郭曰今濟水自滎陽卷縣東北至高平東北經陳

濟南至樂安博昌縣入海今碣石也諸水所出又與水經
違錯以爲凡山川或有同名而異實或同實而異名或一

實而數名似是而非似非而是且歷代久遠古今變易語有楚夏名號不同未得詳也任臣案濟水出王屋山至

河南濟源縣二源合流其水或伏或見東出於陶邱北又東北會於汶今濟河在汶上縣北一名大清河

潦水

任臣案

出衛皋東

郭曰出塞外衛皋山玄菟高句驪縣有潦山小潦水所出西河注大

潦音遼

東南注渤海入潦陽

郭曰潦陽縣屬潦東水經注遼水亦言出砮石山自

塞外東流又東北入廣成縣東注白狼水魏氏土地記曰白狼水下入遼也王鑑禹貢考云遼水源出塞外白平山

庠沘水出晉陽城南而西至陽曲北而東注渤海

郭曰經河間樂

城東北注渤海也晉入越章武北

郭曰章武郡名任臣案劉會孟云水自真定

陽陽曲縣皆屬太原府城南來自鴈門經靈壽平山晉州衛水武邑

漳水出山陽東東注渤海入章武南

郭曰新城汴陰縣亦有漳水任臣案蔡

氏書傳漳水有二一出上黨沾縣大岷谷名清漳一出上黨長子縣鹿谷山名濁漳二漳異源而下流相合圖贊曰川瀆交錯渙瀾流帶通潞潞下經營華外殊出同歸混之東會

建平元年四月丙戌待詔太常屬臣望校治侍中光祿勳臣龔侍中奉車都尉光祿大夫臣秀領主省

山海經廣注卷之十三終

